

四庫全書

集部

欽定四庫全書

御選古文淵鑒卷七目錄

周

公羊傳

元年春王正月

隱公

癸未葬宋繆公

隱公三年

紀侯大去其國

莊公四年

夏四月四卜郊不從乃免牲猶三望

僖公三十一年

公子遂如齊納幣文公二年

毛伯來求金文公九年

世室屋壞文公十三年

晉放其大夫胥甲父于衛宣公元年

晉趙盾衛孫免侵陳宣公六年

冬葬許悼公昭公十九年

西狩獲麟哀公十四年

穀梁傳

元年春王正月

隱公

壬申御廩災乙亥嘗

桓公十四年

臧孫辰告糴于齊

莊公二十八年

虞師晉師滅夏陽

僖公二年

諸侯盟于首戴

僖公五年

晉殺其大夫里克

僖公十年

初稅畝

宣公十五年

大饑

襄公二十四年

秋蒐于紅

昭公八年

欽定四庫全書

御選古文淵鑒卷七

內閣學士兼禮部侍郎教習庶吉士

臣徐乾學等奉

旨編注

周

公羊傳

公羊子名高齊人受春秋于子夏為經作傳故曰公羊傳

元年春王正月

隱公

元年者何君之始年也春者何歲之始也王者孰謂謂

大一統之語實有關於名教蓋春秋

欽定四庫全書

御選古文淵鑒

之作率天下以尊
周室正月祭王示
周德雖衰天命未
改之意

升庵楊慎曰
曲沃莊伯改建
夏正當時諸侯
如蜂房蟻穴不

文王也

文王為周始受命之
王故曰謂文王也

曷為先言王而後言正月

王正月也何言乎王正月大一統也

王者受命制正月
以統天下今萬物

無不一一皆奉之以
為始故言大一統也

公何以不言即位成公意也何成

乎公之意公將平國而反之桓

平治也

曷為反之桓桓幼

而貴隱長而卑其為尊卑也微

母俱
勝也

國人莫知隱長又

賢諸大夫扳隱而立之隱於是焉而辭立則未知桓之

將必得立也

是時公
子非一

且如桓立則恐諸大夫之不能相

幼君也故凡隱之立為桓立也隱長又賢何以不宜立

奉天子之朔矣
春秋所以託始
於隱與

公穀文短調間用
長句亦復達達有
致

邵公何休曰死
而讓開爭原也

立適以長不以賢立子以貴不以長桓何以貴母貴也

禮適夫人無子立右媵右媵無子立左媵桓之母右媵故曰貴母貴則子何以貴子以

母貴

以母秩次立也

母以子貴

禮妾子立則母得為夫人夫人成風是也

癸未葬宋繆公

隱公三年○繆公名和宣公力弟

葬者曷為或日或不日

日謂書日支干

不及時而日渴葬也

禮諸

侯五月而葬不及時言不及五月也渴猶急也

不及時而不日慢葬也

慢薄不能以禮

葬過時而日隱之也

隱痛也痛賢君不得以時葬也

過時而不日謂之

不能葬也

解緩不能以時葬也

當時而不日正也

得禮之正

當時而日

修法守正竄計之要者

東發黃震曰公羊大居正之言可謂能執其義之要者

危不得葬也

以上皆泛論春秋書法繆公卒于八月以十二月葬當時矣而書日以有致國與夷

之事從不得葬也

此當時何危爾宣公謂繆公曰以吾愛與夷

則不若愛女以為社稷宗廟主則與夷不若女盡終為

君矣

與夷宣公子後立為殤公女汝同言吾愛與夷則不止如汝而已

宣公死繆公立

繆公逐其二子莊公馮與左師勃

馮勃繆公二子名馮後立為莊公左師官

名。馮音通

曰爾為吾子生母相見死母相哭

所以遠與夷絕之

復曰

復報也

先君之所為不與臣國而納國乎君者以君

可以為社稷宗廟主也今君逐君之二子而將致國乎

臣廷敬曰宣公之與弟為擇賢繆公之與姪為不肯本皆情理之至若與夷之弑則莊公之罪耳於始讓者何尤

以吞滅為念則復讐為長亂之階以雪耻為心則復讐為大義之舉故公

與夷此非先君之意也且使子而可逐則先君其逐臣

矣繆公曰先君之不爾逐可知矣

言欲使我反國于爾也

吾立乎

此攝也

暫攝行君事

終致國乎與夷莊公馮弑與夷

殤公與夷立十

年華督弑之而迎馮於鄭而立之

故君子大居正

君子以守正為大言當適子居正不必違

禮而讓庶

宋之禍宣公為之也

自宣公之讓其弟始也

紀侯大去其國

莊公四年

大去者何滅也孰滅之齊滅之曷為不言齊滅之為襄

公諱也春秋為賢者諱何賢乎襄公

據楚莊王亦賢滅蕭不為諱

復

羊於襄公猶有取焉

伯厚王應麟曰
九世猶可復讐
乎雖百世可也
儒者多以為非
然未子序戊午
諫議曰有天下
者承萬世無疆
之統則必有萬
世必報之誓何
止百世哉

讎也何讎爾遠祖也哀公亨乎周亨煮而殺之紀侯譖之以

襄公之為於此焉者事祖禰之心盡矣盡者何襄公將

復讐乎紀卜之曰師喪分焉龜曰卜著曰筮分半也師喪亡其半寡人死

之襄公答卜者之辭不為不吉也遠祖者幾世乎九世矣九世

猶可以復讐乎雖百世可也家亦可乎曰不可國何以

可國君一體也先君之耻猶今君之耻也今君之耻猶

先君之耻也先君謂哀公今君謂襄公言其耻同也國君何以為一體國

君以國為體諸侯世故國君為一體也雖百世號猶稱齊侯今紀

臣正治曰復九
世之讐胡氏已
斥其妄且襄公
豈真念先世之
讐者哉然公羊
文自成一家

無罪

今紀侯也

此非怒與

怒遷怒也

曰非也古者有明天子則紀

侯必誅必無紀者紀侯之不誅至今有紀者猶無明天

子也古者諸侯必有會聚之事相朝聘之道號辭必稱

先君以相接然則齊紀無說焉不可以並立乎天下故

將去紀侯者不得不去紀也有明天子則襄公得為若

行乎

若如也猶曰得為如此行乎

曰不得也不得則襄公曷為為之

上無天子下無方伯

有而無並於治曰無

緣恩疾者可也

疾痛也

夏四月四卜郊不從乃免牲猶三望

僖公三十一年

魯郊非禮孔子修春秋因卜郊而寓意諸儒論之詳矣惟公羊簡而盡

晦庵朱熹曰如四卜五卜牛傷牛死是失禮之中又失禮也

曷為或言三卜或言四卜三卜禮也四卜非禮也三卜

何以禮四卜何以非禮求吉之道三

三卜吉凶必有相奇者可以決疑故

求吉必三卜禘嘗不卜郊何以卜卜郊非禮也

禮天子卜郊不卜郊

何以非禮魯郊非禮也

以魯郊非禮故卜爾

魯郊何以非禮天子

祭天

郊所以祭天

諸侯祭土

土謂社也

天子有方望之事

方望謂郊時所

望祭四方羣神日月星辰風伯雨師五獄四瀆及餘山川凡三十六所

無所不通諸侯山

川有不在其封內者則不祭也曷為或言免牲或言免

牛免牲禮也

卜郊不吉則為牲作玄衣纁裳使有司放之于南郊明本為天不敢留天牲

免

臣德宣曰郊與
望皆非諸侯之
祭故書稱望秋
詩美懷柔為帝
王之盛事也

牛非禮也免牛何以非禮傷者曰牛

如成公七年雞鼠
食郊牛角乃免牛

是養牲不敬謹
致傷非禮也

三望者何望祭也然則曷祭祭大山河

海曷為祭大山河海山川有能潤于百里者天子秩而

祭之

此皆助天布功故祭天及之秩
者隨其大小尊卑高下所宜

觸石而出膚寸而

合

側手為膚按指為寸言其觸
石理而出無有膚寸而不合

不崇朝而徧雨乎天下

者唯大山爾河海潤于千里猶者何通可以已也何以

書譏不郊而望祭也

譏尊者不食而卑者
獨食書者惡失禮也

公子遂如齊納幣

文公二年

聖人緣人情而制禮非由外鑠也以人心為皆有之一語何等剴切

伯厚王應麟曰公羊此篇天理民彝之正也左氏以為禮以為孝其害教實甚

納幣不書此何以書譏何譏爾譏喪娶也娶在三年之

外則何譏乎喪娶

據逆在四年

三年之內不圖昏

僖公以十二月薨至

此未滿二十五月又禮先納采問名納吉乃納幣此四者皆在三年之內故云爾

吉禘于莊公

譏然則曷為不於祭焉譏

據吉禘于莊公譏始不三年大事圖婚俱不三年大事猶

從吉禘不復譏

三年之恩疾矣

疾痛

非虛加之也

非虛加責之

以人心

為皆有之

以人心為皆有疾痛不忍娶

以人心為皆有之則曷為獨

於娶焉譏

据孝子疾痛吉事皆不當為非獨娶也

娶者大吉也

合二姓之好傳之于

無窮故為大吉

非常吉也

與大事異

其為吉者主于已

主于已身不如此祀尚有

王者無求一語持
論正大若穀梁所
云求車猶可求金
甚矣非高論也

康侯胡安國曰
不稱使非特謹
天下之通喪所
以示後世大臣

念先人以為有人心焉者則宜於此焉變矣變者變慟
哭泣也有

人心念親者間有欲為已國婚則當
變慟哭泣矣況乃至子納幣成婚哉

毛伯來求金文公九年

毛伯者何天子之大夫也何以不稱使當喪未君也王襄

崩頃王立新
有三年喪踰年矣何以謂之未君即位矣而未稱王

也未稱王何以知其即位以諸侯之踰年即位亦知天

子之踰年即位也俱繼體其
禮不得異以天子三年然後稱王亦

知諸侯于其封內三年稱子也踰年稱公矣則曷為于

當國秉政不可
擅權之法戒也

其封內三年稱子緣民臣之心不可一日無君緣終始

之義一年不二君不可曠年無君

踰年稱公者民稱其上之辭三年稱子者

君之自稱也稱之以明繼體所以繫民臣之心一年之內民亦不稱公者以一年不可有二君也然終不可曠

年無君故踰年稱公也

緣孝子之心則三年不忍當也

孝子三年志在思慕

不忍當父位故于封內三年稱子

毛伯來求金何以書譏何譏爾王者

無求求金非禮也然則是王者與曰非也非王者則曷

為謂之王者王者無求曰是子也繼文王之體守文王

之法度文王之法無求而求故譏之也

引文王者文王始受命制法度

世室屋壞 文公十三年

世室者何魯公之廟也

魯公周公子伯禽

周公稱大廟魯公稱

世室羣公稱宮

少差異者所以尚尊周公

此魯公之廟也曷為謂之

世室世室猶世室也世世不毀也

魯公始封之君故不毀也

周公何

何以稱大廟于魯封魯公以為周公也周公拜乎前魯

公拜乎後

始受封時拜于文王廟也父子俱拜者明以周公之功封魯公也

曰生以養

周公死以為周公主

此成王始授其茅土之辭禮記明堂位曰封周公於曲阜地方七百

里羊車千乘蓋以為然則周公之魯乎曰不之魯也封有王功故半天子也

昔魯公之魯而周公仍留治東都以繫天下之望公羊所謂欲天下之一乎周者是也何休註公羊以為櫨於周公之魯則恐天下迴心趨鄉之何其淺視乎成王周公也

和仲胡寧曰居處猶欲完井況宗廟乎太室既壞必須便修而

春秋不書意可知矣世室始封之祖廟新宮成公之稱宮御康樂盛之所藏寄當務也時不丞則譏緩制不降則譏畧故更造而不書難用民力不可已也臣鴻緒曰紀周魯壯盛之制可與禮經參考

魯公以為周公主然則周公曷為不之魯欲天下之一

乎周也魯祭周公何以為牲

據廟異也

周公用白牡

白牡殷牲也周

公有王禮謙不敢與文武同也

魯公用騂牝

騂牝赤脊周牲也

羣公不毛

不純

色所以降于尊祖

魯祭周公何以為盛

據牲異也

周公盛

盛者新穀

魯公

燾

燾者冒也故上以新也

羣公廩

廩者連新於陳上財令半相連爾此謂方裕祭之時序昭穆之

差世室屋壞何以書譏何譏爾久不修也

簡忽久不以時修治至今

壞敗故譏之言屋者重宗廟詳錄之以不務宮室書月者知久不修當蒙上月

晉放其大夫胥甲父于衛

宣公元年

讀此傳知古君臣之間去就有禮春秋時不能盡然

幼清吳澂曰河曲之戰及今年豈有不用命之罪八年而後討哉必甲以他事取惡于趙盾而逐之也

放之者何猶曰無去是云爾

是是

然則何言爾近正也

此其為近正奈何古者大夫已去三年待放

古者刑不上大夫有

罪放之而已古者疑獄三年而後斷而有罪當誅亦三年不敢去

君放之非也大夫待

放正也古者臣有大喪則居三年不呼其門

重奪孝子之恩也禮

父母之喪三年不從政

已練可以弁冕

此說時衰政失非謂禮當然弁禮所謂皮弁爵弁也

服金革之事君使之非也臣行之禮也

此與君放之非臣待君放正同

故引同類

閔子

閔子騫以孝聞

要經而服事

禮已練男子除乎首婦人除乎帶

要一反既而曰若此乎古之道不即人心

即近

退而致仕

此事屬辭屑折盡
致較左氏尤勝

水心葉適曰趙
盾趙穿之事當
時天下共知三
傳所載無異蓋
董狐特立此義
與他史法不同

孔子蓋善之也

善其服事外得事君之義致仕內不失
親親之愚言古者又孫順不訕其君也

晉趙盾衛孫免侵陳

宣公六年

趙盾弑君此其復見何

據宋督鄭歸生齊崔杼弑其君後不復見

親弑君者

趙穿也親弑君者趙穿則曷為加之趙盾不討賊也何

以謂之不討賊晉史書賊曰晉趙盾弑其君夷犇趙盾

曰天乎無辜吾不弑君誰謂吾弑君者乎史曰爾為仁

為義人弑爾君而復國不討賊此非弑君而何

復反也趙盾不

能復應者明義之所責不可辭

趙盾之復國奈何靈公為無道使諸大

臣乳學曰叙事
人情更勝左氏
惟深明趙盾之
無罪而後責備
賢者之意益明
春秋立法謹嚴
之意亦愈出

夫皆內朝

禮公族朝于內朝親親也

然後處乎臺上引彈而彈之已

趨而辟丸

已設為諸大夫自稱也

是樂而已矣

○以是為笑樂

趙盾

已朝而出與諸大夫立于朝有人荷畚

荷負也畚草器若今市所量穀

者是也

自閨而出者

宮門謂閨

趙盾曰彼何也夫畚曷為

出乎閨呼之不至

怪而呼欲問之荷畚者不肯至

曰子大夫也欲視之

則就而視之

恐君責已以視人欲以見就為解也

趙盾就而視之則赫然

死人也趙盾曰是何也曰膳宰也熊蹯不熟

蹯公怒以掌

斗棼而殺之

棼謂旁擊頭

支解將使我棄之趙盾曰嘻

趨而入靈公望見趙盾慙而再拜

慙者驚貌禮臣拜然後君答拜靈公先拜

者畚出盾人知其欲諫欲以敬拒之使不復言也禮天子為三公下階卿前席大夫興席士式几○慙所罕反

趙盾逡巡北面再拜稽首

頭至地曰稽首頭至手曰拜手趨而出本欲

君以拜謝知已意冀當覺悟故出

靈公心忤焉

忤慙貌慙盾知已之過

欲殺之於

是使勇士某者往殺之勇士入其大門則無人門焉者

入其閨則無人閨焉者上其堂則無人焉俯而窺其戶

俯俛頭

戶室戶方食魚飧勇士曰嘻子誠仁人也吾入子之大

門則無人焉入子之閨則無人焉上子之堂則無人焉

臣英曰叙勇士及祁彌明桑下人三段情事如畫文家所謂寫生之筆也

臣士奇曰左氏
案而後斷此篇
斷而後案詳叙
趙盾趙朝及元
難始末殆立言
之微而顯者

是子之易也

易猶省也
○飧音孫

子為晉國重卿而食魚飧是子

之儉也君將使我殺子吾不忍殺子也雖然吾亦不可

復見吾君矣

負君命也

遂刎頸而死

傳極道此者明約儉之
衛已甚于重門擊柝

靈公聞之怒滋欲殺之甚衆莫可使往者于是伏甲于

宮中召趙盾而食之趙盾之車右祁彌明者國之力士

也

禮大夫駟乘有
車右有御者

仡然從乎趙盾而入

仡然壯勇貌
○仡無乙反放

乎堂下而立

趙盾公復欲殺盾故入以為意禮記曰
天子堂高九尺諸侯七尺大夫五尺士三

尺趙盾已食靈公謂盾曰吾聞子之劍盖利劍也子以

示我吾將觀焉

校君劍當拔而進其前靈公因欲以推殺之

趙盾起將進劍

祁彌明自下呼之曰盾食飽則出何故拔劍于君所趙

盾知之蹢階而走

蹢猶起遽不暇以次。蹢丑畧反。

靈公有周狗

周狗所指

意如謂之焚

犬四尺曰焚。焚五刀反。

呼焚而屬之焚亦蹢階而從之

祁彌明逆而跋之

以足逆。跋曰跋。

絕其領

領口也。領戶感反。

趙盾顧曰

君之焚不若臣之焚也然而宮中甲鼓而起

甲即上所道伏甲約

勦聞鼓聲當起殺盾

有起于甲中者抱趙盾而乘之

欲趨疾走

趙盾顧

曰吾何以得此于子

猶曰吾何以得此。歎急之思于子邪。

曰子某時所食

活我于暴桑下者也

其時者記傳者失之暴桑蒲蘇桑

趙盾曰子名為

誰曰吾君孰為介

介甲也猶曰我晉君為誰與此甲兵豈不為盾乎

子之乘矣

何問吾名

之乘即上車也猶曰子已上車矣何不疾去而反徐問我名乎

趙盾驅而出

衆無留之者

明盾賢人不忍殺也且靈公無道民衆不悅以致見殺

趙穿緣民衆

不說起弑靈公然後迎趙盾而入與之立于朝

復大夫位也即

所謂復國不討賊史得用責之傳極道而立成公黑臀

此上事者明君雖不君臣不可以不臣
不書者明以惡夷
獬猶不書剝立

冬葬許悼公

昭公十九年

疏止赦止見春秋
筆削大公無私此
與趙盾事違害
錄

賊未討何以書葬不成于弑也曷為不成于弑

據將而止誅之

進藥而藥殺也

時悼公病止進藥悼公飲藥而死

止進藥而藥殺則曷為

加弑焉爾譏子道之不盡也其譏子道之不盡奈何曰

樂正子春之視疾也

樂正子春曾子弟子以孝名聞

復加一飯則脫然

愈復損一飯則脫然愈復加一衣則脫然愈復損一衣則脫

然愈

脫然疾除貌也言消息得其節

止進藥而藥殺是以君子加弑焉爾

失其消息多少之宜

曰許世子止弑其君買是君子之聽止也

聽治止罪

葬許悼公是君子之赦止也

原止進藥本欲愈父之病無害父之意故赦之

赦止者

章法之妙若斷若續忽合忽離

免止之罪辭也

明止但得免罪不得繼父後許男斯代立無惡文是也

西狩獲麟

哀公十四年

何以書記異也何異爾非中國之獸也然則孰狩之薪采者也薪采者則微者也曷為以狩言之大之也曷為大之為獲麟大之也曷為為獲麟大之麟者仁獸也王者則至無王者則不至有以告者曰有麇而角者孔子對曰孰為來哉孰為來哉反袂拭面涕沾袍

叔孫氏之車子

曰鉏商獵于野而獲麟焉衆莫之識以為不祥棄之五父之衢孔子往觀之曰麟也麟出而死吾道窮矣乃作

元凱杜預曰麟

鳳五靈王者之

嘉瑞也今麟出

非其時虛其應

而失其歸此聖

人之所為感也

絕筆於獲麟之

一句者所感而

起固所以為終

也

臣美曰春秋絕

筆於獲麟惟公

羊能觀其大說

出夫子上接堯

歌曰唐虞之世麟鳳遊今非其時來何由麟兮麟兮我心憂

顏淵死子曰噫天喪予

子路死子曰噫天祝予

祝斷也

西狩獲麟孔子曰吾道窮

矣春秋何以始乎隱祖之所逮聞也

言我先人之所及聞也

所見

異辭所聞異辭所傳聞異辭何以終乎哀十四年曰備

矣

言人道決王道備

君子曷為為春秋

君子謂孔子曷為今日始為春秋乎嫌其大晚

于諸典之後

撥亂世反諸正莫近諸春秋

近猶切也

則未知其為

是與其諸君子樂道堯舜之道與

未知春秋果為撥亂反正而作與抑孔子

樂堯舜之道述以示後世與

末不亦樂乎堯舜之知君子也

孔子道合堯舜

舜下俟後聖之
旨甚分明是先
儒絕識

伯夷叔齊之讓國
求仁而得仁泰伯
虞仲之讓國避地
以興周若隱之讓
國則成惠公之邪
心啓桓公之篡弒

故得與堯舜相對為首末言堯舜逆知後世必有制春
知已如孔子者則孔子豈不樂乎堯舜之知已也
秋之義以俟後聖以君子之為亦有樂乎此也
謂孔子所
以作春秋

者亦樂此春秋之
道可以永法故也

穀梁傳

穀梁子名俶字元始魯人一名赤受
經于子夏為經作傳故曰穀梁傳

元年春王正月

元年春王正月

隱公之始年周王之正月也凡人君即
位欲其體元以居正故不為一年一月

也 雖無事必舉正月謹始也

謹君即位之始 公何以不言即位

據文公成公志也

成隱讓
桓之志

焉成之言君之不取為公也

欽定四庫全書

御選古文淵鑒

十三

故曰小道也

勉齋黃幹曰左氏以隱之讓為賢公羊又創為立子以貴之說皆未為當惟穀梁以為春秋貴義不貴惠信道不信邪乃為正論

言隱意不取為魯君也

君之不取為公何也將以讓桓也讓桓正

乎曰不正

隱長桓幼

春秋成人之美不成人之惡隱不正而

成之何也將以惡桓也其惡桓何也隱將讓而桓弑之

則桓惡矣桓弑而隱讓則隱善矣善則其不正焉何也

春秋貴義而不貴惠

惠謂私惠

信道而不信邪

信與申同

孝子揚

父之美不揚父之惡先君之欲與桓非正也邪也雖然

既勝其邪心以與隱矣

終歸之于隱是

已探先君之邪

志而遂以與桓則是成父之惡也兄弟天倫也為子受

臣叔元曰貴義
不貴惠信道不
信邪大旨凜然
議論較公羊為
正

周官時享前期十
日即執事而卜日
誓戒令士申乙亥
相距四日不卜不
戒故穀梁子以為
志不敬也

之父為諸侯受之君

隱為世子親受命於惠公為魯君已受之於天王矣

已廢天

倫而忘君父以行小惠曰小道也

弟先于兄是廢天倫私以國讓是忘君父

若隱者可謂輕千乘之國蹈道則未也

壬申御廩災乙亥嘗

桓公十四年○御廩歲公所親耕以奉菜盛之倉也

嘗祭
宗廟

御廩之災不志此其志何也以為唯未易災之餘而嘗

可也志不敬也

未易災者用火焚之餘以祭宗廟未嘗更易也此不敬之大者故志之可也

天子親耕以共粢盛王后親蠶以共祭服國非無良農

康侯胡安國曰
御廩災於壬申
而嘗以乙亥是
不改卜而供未
易災之餘大不
敬也

觀此見積貯備荒
有國家者之急務

工女也以為人之所盡事其祖禰不若以已所自親者

也何用見其未易災之餘而嘗也曰甸粟而內之三宮

三宮米而歲之御廩

甸甸師掌田之官也三宮三夫人
也宗廟之禮君親割夫人親舂

夫嘗必有兼甸之事焉

夫人親舂是
兼甸之事

壬申御廩災乙亥

嘗以為未易災之餘而嘗也

壬申乙亥相去四日言用
日至少而功多明未及易

而嘗
也

臧孫辰告糴于齊

莊公二十八年○臧
孫辰魯大夫臧文仲

國無三年之畜曰國非其國也一年不升告糴諸侯告

國非其國君子譏之

原父劉敞曰魯人悅其名而以急病為功君子責其實而以不能務農重穀節用愛人為罪

請也糴糴也不正故舉臧孫辰以為私行也

為內諱故不稱使使

若私行○畜勅六反

國無九年之畜曰不足無六年之畜曰急無

三年之畜曰國非其國也諸侯無粟諸侯相歸粟正也

臧孫辰告糴于齊告然後與之言內之無我交也古者

稅什一豐年補敗

敗謂凶年

不外求而上下皆足也雖累凶

年民弗病也一年不艾而百姓饑君子非之不言如為

內諱也

艾告益反

虞師晉師滅夏陽

僖公二年

二傳無異同而穀
梁敘事簡要文尤
遼宕

康侯胡安國曰
下陽邑爾其書

非國而曰滅重夏陽也虞無師其曰師何也以其先晉

不可以不言師也其先晉何也為主乎滅夏陽也夏陽

者虞虢之塞邑也

其地險要故二國以為塞邑

滅夏陽而虞虢舉矣

虞之為主乎滅夏陽何也晉獻公欲伐虢荀息曰

晉大夫

君何不以屈產之乘垂棘之璧

屈垂棘皆地名

而借道乎虞也

公曰此晉國之寶也如受吾幣而不借吾道則如之何

荀息曰此小國之所以事大國也

此謂璧馬之屬

彼不借吾道

必不敢受吾幣如受吾幣而借吾道則是我取之中府

滅何也下陽虞
號之塞邑猶秦
之有潼關蜀之
有劍閣皆國之
門戶也潼關不
守則秦蜀破下
陽既舉而虞號
亡矣

臣廷敬曰先虞
後晉左以為賄
公羊以為首惡
義與此同若所

而藏之外府取之中廩而置之外廩也公曰宮之奇存
焉虞大必不使君受之也荀息曰宮之奇之為人也達
心而懦又少長于君達心則其言畧明達之人言則僅
舉綱領愚者不悟懦則不能彊諫少長於君則君輕之且夫玩好在耳目
之前而患在一國之後此中知以上乃能慮之臣料虞
君中知以下也公遂借道而伐虢宮之奇諫曰晉國
之使者其辭卑而幣重必不便于虞虞公弗聽遂受其
幣而借之道宮之奇諫曰語曰脣亡則齒寒其斯之謂

謂非國而曰滅
重夏陽滅夏陽
而虞虢舉則深
得聖人之意

篇中以尊王為主
亦反經行權之意

與挈其妻子以奔曹獻公亡虢五年而後舉虞荀息亭
馬操壁而前曰壁則猶是也而馬齒加長矣

諸侯盟于首戴

僖公五年○惠王以惠后故將
廢大子鄭而立王子帶故齊桓

帥諸侯會王太子以定其位首
戴左傳作首止衛地在睢州

無中事而復舉諸侯何也

前書公及齊侯宋公陳侯衛
侯鄭伯許男曹伯會王世子

于首戴矣中間無他
事而重舉諸侯故云

尊王世子而不敢與盟也尊則其

不敢與盟何也盟者不相信也故謹信也不敢以所不
信而加之尊者桓諸侯也不能朝天子是不臣也王世

武子范甯曰雖
非禮之正而合
當時之宜

子子也塊然受諸侯之尊已而立乎其位是不子也桓
不臣王世子不子則其所善焉何也是則變之正也天
子微諸侯不享覲桓控大國扶小國統諸侯不能以朝
天子亦不敢致天王尊王世子于首戴乃所以尊天王
之命也世子舍王命會齊桓亦所以尊天王之命也世
子受之可乎是亦變之正也天子微諸侯不享覲世子
受諸侯之尊已而天王尊矣世子受之可也

晉殺其大夫里克

僖公十年

筆筆生動當時情
事躍然在人耳目
之間

仁山金履祥曰
按惠公之殺里克
前以掩奪國
之嫌後以防重
耳之入里克雖
為社稷立賢之
計拳拳於重耳
孰若全中生以

稱國以殺罪累上也里克弑二君與一大夫

二君奚齊
卓子一大

夫荀

其以累上之辭言之何也其殺之不以其罪也其

殺之不以其罪奈何里克所為弑者為重耳也

殺奚齊
卓子者

欲以重耳為君重
耳夷吾兄文公

夷吾曰是又將殺我乎故殺之不以

其罪也其為重耳弑奈何晉獻公伐虢得麗姬獻公私

之有二子長曰奚齊稚曰卓子麗姬欲為亂

亂謂殺申
生而立其

子○嚴

力池反

故謂君曰吾夜者夢夫人趨而來曰吾苦畏人

申生

胡不使大夫將衛士而衛冢乎公曰孰可使曰臣

弭後患因優施
一言之誘遂為
中立之謀坐視
中生之死于前
而卒蹈弑逆之
名于後惜哉

臣杜訥曰委婉
曲折語語入情
左氏雖深文老
筆似猶避此一
籌

莫尊於世子則世子可故君謂世子曰麗姬夢夫人趨
而來曰吾苦畏女其將衛士而往衛冢乎世子曰敬諾
築宮宮成麗姬又曰吾夜者夢夫人趨而來曰吾苦饑
世子之宮已成則何為不使祠也故獻公謂世子曰其
祠世子祠已祠致福於君君田而不在麗姬以酖為酒
藥脯以毒獻公田來麗姬曰世子已祠故致福於君君
將食麗姬跪曰食自外來者不可不試也覆酒於地而
地賁賁沸起也以脯與犬犬死麗姬下堂而啼呼曰天

臣岳頌曰里克為世子傳深明立嫡非義乃不强諫於獻公之前而僅迫世子以自明罪誠難逭矣而卒自罹其禍非爵殺之實克自殺也

乎天乎國子之國也子何遲于為君君喟然嘆曰吾與

女未有過切

吾與女未有過差切急

是何與我之深也使人謂世

子曰爾其圖之世子之傳里克謂世子曰入自明入自

明則可以生不入自明則不可以生世子曰吾君已老

矣已昏矣若此而入自明明則麗姬必死麗姬死則吾

君不安所以使君不安者吾不若自死吾寧自殺以安

吾君以重耳為寄矣

憲麗姬又指重耳故以託里克使保全之

刎脰而死

脰頸

也○刎亡粉反脰音豆

故里克所為弑者為重耳也夷吾曰是又

將殺我也

初稅畝宣公十五年

初者始也古者什一

一夫一婦佃田百畝以共五口父母妻子也入受田十五畝以為公

公田之法十取其
一今又履其餘畝
先王之良法美意
其謂之何是以傳
者交譏焉

稅畝非正也古者三百步為里名曰井田井田者九百

畝公田居一

出除公田八十畝餘八百二十畝故井田之法八家共一井八百畝餘二十畝各家

二畝半私田稼不善則非吏

非責也吏田唆也言吏為虐舍私田稼不善則非吏急民使不得營私田公

田稼不善則非民

民勤也初稅畝者非公之去公田而履

畝十取一也以公之與民為已悉矣悉謂盡其力古者公田

為居八家共居井竈葱韭盡取焉損其廬舍家作一園以種五菜外種楸桑以備養生

送死按公羊傳始履畝而稅也古者什一而藉蓋什一以借民力以什與民自取其一為公田時宣公無

思信于民民不肯盡力于公田故履踐桑行擇其善畝穀最好者稅取之

大饑襄公二十四年

五穀不升為大饑升成也一穀不升謂之噍噍不足貌

二穀不升謂之饑三穀不升謂之饑饑音近四穀不升謂

之康康盛五穀不升謂之大侵侵傷大侵之禮君食不兼味

觀大侵之禮見先王畏天勤民實心實政

古典典略可補周禮所未備

臺榭不塗

塗塗飾

弛侯廷道不除

弛廢也侯射侯也廢侯不燕射廷內道路不除

廷道謂朝廷之道也

百官布而不制

官職修列不可闕廢不更有造作

鬼神禱而

不祀

周書曰大荒有禱無祀

此大侵之禮也

秋蒐于紅

昭公八年

秋蒐于紅

紅魯地

正也因蒐狩以習用武事禮之大者也

艾蘭以為防

蘭香草也防為田之大限

置旃以為轅門

旃旗之名以車為營衆

轅為門又建旃以表之

以葛覆質以為檠

質中門之木椹恐木椹傷馬足故以葛草覆之

以為檠檠門中衆也○檠魚列反

流旁握御輦者不得入

流至也門之廣狹足以容

臣乾學曰貴仁
義賤勇力而後
可以得仁者之
勇能罷不二心
之士非宋襄徐
偃所得而竊假
也

車車之兩軸至門之兩旁尚空一握握四寸也擊挂礙
也不善御者車挂礙于門則不使得入以耻其御拙也

○擊古車軌塵塵不馬候蹄發足相相應拚禽旅拚取御帝反

者不失其馳然後射者能中過防弗逐不從奔之道也

戰不逆奔之義面傷不獻嫌誅不成禽不獻惡虐禽雖多天子

取三十焉其餘與士衆以習射於射宮取三十以共乾

宮澤射而中田不得禽則得禽田得禽而射不中則不

得禽是以知古之貴仁義而賤勇力也射以不爭為

仁揖讓為義

御選古文淵鑒卷七

欽定四庫全書

集部

御選古文淵鑒卷八

詳校官尚書臣德保

主事銜臣徐以坤覆勘

總校官進士臣朱鈴

校對官編修臣盧遂

謄錄監生臣王宮

欽定四庫全書

御選古文淵鑒卷八目錄

周

戰國策

司馬錯張儀論伐韓蜀

秦策

甘茂拔宜陽

黃歇說秦王

應侯謂昭王

武安君諫秦昭王伐趙

鄒忌諷齊王納諫

齊策

淳于髡一日見七士

馮煖客孟嘗君

蘇子說齊閔王

田單攻狄

莊辛論幸臣

蘇秦以合從說趙

趙策

觸讐說趙太后

魯仲連義不帝秦

魯君酒色味論

魏策

信陵君諫魏王

郭隗說燕昭王

燕策

蘇代約燕王

樂毅去燕適趙

欽定四庫全書

御選古文淵鑒卷八

內閣學士兼禮部侍郎教習庶吉士臣徐乾學等奉

旨編注

周

戰國策

春秋後七國分爭謂之戰國此書或曰國策或曰國事或曰四短長或曰事語或曰長

書或曰修書劉向謂戰國游士輔所用之國為之策謀因定為戰國策

司馬錯張儀論伐韓蜀秦策

戰國之時不復知
有周天子矣錯獨
曰叔天子惡名也
大義凜然後魯廟
之存劉王猛之戒
不伐晉亦同此意

臣正治曰臨二
周之郊誅周主
之罪此何語耶
司馬錯請伐蜀
亦猶知有逆順
也

司馬錯與張儀爭論於秦惠王前

司馬錯秦人張儀魏人仕秦為客卿說諸

侯連橫

司馬錯欲伐蜀張儀曰不如伐韓王曰請聞其

說對曰親魏善楚下兵三川

伊河洛

塞轅轅緄氏之口

轅轅

在今鞏縣其阪有十二曲緄氏山名在今偃師縣

當屯留之道

屯留地名今魏

縣

絕南陽

南陽秦地

楚臨南鄭

南鄭即新鄭

秦攻新城宜陽

新城在洛州宜

陽今河南縣

以臨二周之郊誅周主之罪侵楚魏之地周自

知不救九鼎寶器必出據九鼎按圖籍挾天子以今天

下天下莫敢不聽此王業也今夫蜀西僻之國而戎狄

臣廷獻曰巴蜀雖僻在西垂秦漢皆資之以成帝業得地不足為利豈為論乎張儀策士之雄何意有此一失

臣熙曰伐蜀之策算勝計完秦

之長也散兵勞衆不足以成名得其地不足以為利臣聞爭名者於朝爭利者於市今三川周室天下之市朝也而王不爭焉顧爭於戎狄去王業遠矣司馬錯曰不然臣聞之欲富國者務廣其地欲彊兵者務富其民欲王者務博其德三資者備而王隨之矣今王之地小民貧故臣願從事於易夫蜀西僻之國也而戎狄之長也而有桀紂之亂以秦攻之辟如使豺狼逐羣羊也取其地足以廣國也得其財足以富民繕兵不傷衆而彼已

并天下得力於此立議甚闊見識甚遠戰國遊說之士皆不能及

西遊李東陽曰張儀長於間謀不長於料戰司馬錯之策真善兵之術也

服矣故拔一國而天下不以為暴利盡四海諸侯不以為貪是我一舉而名實兩附而又有禁暴正亂之名今攻韓劫天子劫天子惡名也而未必利也又有不義之名而攻天下之所不欲危臣請竭其故周天下之宗室也韓周之與國也周自知失九鼎韓自知亡三川則必將二國并力合謀以因乎齊趙而求解乎楚魏以鼎與楚以地與魏王不能禁此臣所謂危不如伐蜀之完也惠王曰善寡人聽子卒起兵伐蜀十月取之遂定蜀蜀

鏡臣在內大將鮮
有能成功於外者
此古今所同慨也
甘茂之言剴切曲
暢可為萬世鑒

主更號為侯而使陳莊相蜀蜀既屬秦益彊富厚輕諸
侯

甘茂拔宜陽

秦武王謂甘茂曰

甘茂下蔡人仕秦

寡人欲車通三川以闕周

室而寡人死不朽乎甘茂對曰請之魏約伐韓王令向

壽輔行

向壽宣太后外族

甘茂至魏謂向壽子歸告王曰魏聽

臣矣然願王勿攻也事成盡以為子功向壽歸以告王

王迎甘茂於息壤

息壤秦地

甘茂至王問其故對曰宜陽大

縣也上黨

今潞安長治縣

南陽積之久矣

二縣財賦歸之

名為縣其實

郡也今王倍數險行數千里而攻之難矣臣聞張儀西

并巴蜀之地北取西河之外南取上庸

今鄖陽竹山縣

天下不

以多張儀而賢先王

惠文王也

魏文侯令樂羊將攻中山三

年而拔之樂羊反而語功文侯示之謗書一篋樂羊再拜稽首曰此非臣之功主君之力也今臣羈旅之臣也

擣里疾公孫衍二人者

擣里疾秦惠王異母弟居渭南陰鄉擣里故俗謂之擣里子公

魏孫衍人挾韓而議王必聽之是王欺魏而臣受公仲朋之

臣德宜曰良將
立功於外如王
濤見忌於賈充
班超見沮於李
邑非人主倚信
之深不幾憤乃

怨也

朋一作侈

昔者曾子處費

今兗州費縣

費人有與曾子同名

族者而殺人人告曾子母曰曾參殺人曾子之母曰吾
子不殺人織自若有頃焉人又曰曾參殺人其母尚織
自若也頃之一人又告之曰曾參殺人其母懼投杼踰
牆而走夫以曾參之賢與母之信也而三人疑之則慈
母不能信也今臣之賢不及曾子而王之信臣又未若
曾子之母也疑臣者不適三人適唐同臣恐王為臣之投
杼也王曰寡人不聽也請與子盟於是與之盟于息壤

事耶茂汲汲於
息壤一盟其防
樗里疾公孫衍
之心甚於韓朋
矣

東攻宜陽五月而不能拔也樗里疾公孫衍二人在言
中爭之王王將聽之召甘茂而告之甘茂對曰息壤在
彼王曰有之因悉起兵復使甘茂攻之遂拔宜陽

黃歇說秦王

頃襄王二十年

楚懷王子

秦白起拔楚西陵

白起郿人為秦將封武安君

當時策士往往嫁禍韓魏如黃歇之意在紆楚患耳追韓魏既亡不三斗楚亦滅矣所謂滅六國者六國也不信然耶文特雄辯

遂拔鄢郢夷陵燒先王之墓王徙東北保于陳城楚遂

削弱為秦所輕于是白起又將兵來伐楚人有黃歇者

歇楚相封春申君

游學博聞襄王以為辯故使于秦說昭王曰天

東發黃震曰觀
春申君說秦昭
王不伐楚而至
莫若善楚可謂
智能之士矣

下莫彊於秦楚今聞大王欲伐楚此猶兩虎相鬪而驚

犬受其敝不如善楚臣請言其說臣聞之物至而反

猶至

極冬夏是也致至而危

致言取物置之物上

累綦是也今大國之

地半天下有二垂

邊陲

此從生民以來萬乘之地未嘗有

也先帝文王武王

時末為帝曰帝者尊稱之也文王惠文王

王之身三世而

不接地於齊

不與通也

以絕從親之要

要約也

今王使成橋守

事於韓

成橋秦人守侍也○橋音矯

成橋已北入燕

使燕入朝于秦

是王不

用甲不伸威而出百里之地

出言割地燕入秦必割地于秦秦使之出也

王

可謂能矣王又舉甲兵而攻魏社大梁之門

社一作社

舉河

內拔燕酸棗虛桃人

燕今衛輝府城縣酸棗今開封延津縣虛桃人皆魏地

楚燕

之兵

楚燕以衆援者言之

雲翔而不敢校

雲翔散也

王之功亦多矣王

休甲息衆二年然後復之又取蒲衍首垣

蒲衍在長垣蒲鄉衍在河南

與卷近首蓋牛首垣即長垣○卷丘權反

以臨仁平丘小黃濟陽嬰城

仁地名平

丘在今陳留縣西北小黃地名濟陽故城在今曹縣西南嬰猶縈也蓋二邑環兵自守

而魏氏朕

矣王又割濮磨之北

濮即衛之濮上磨地近濮

屬之燕斷齊秦之要

絕楚魏之脊天下五合六聚而不敢救也王之威亦憚

身之胡三省曰山東合縱韓魏是其腰此扁極言山東諸國連縱之為秦害也

臣英曰詞米絡
輝弁會層折盡
變有波洞雲擾
之態

矣

憚言可畏

王若能持功守威省攻伐之心而肥仁義之誠

肥猶厚誠史作地猶道也

使無復後患三王不足四五霸不足六也

王若負人徒之衆恃甲兵之彊一毀魏氏之威

前勝魏有威矣

今自挫毀不持守也

而欲以力臣天下之主臣恐有後患詩云靡

不有初鮮克有終

大雅蕩之篇

易曰狐濡其尾

易未濟卦小狐不能涉大

川雖濟而無餘力將濡其尾不能終也

此言始之易終之難也何以知其

然也智士見伐趙之利而不知榆次之禍也

榆次太原縣智伯敗

于榆次

吳見伐齊之便而不知于隧之敗

于隧吳地即此夫差自到處

二國者非無大功也沒利於前而易患於後也

○沒音溺
○易音

亦

吳之信越也從而伐齊遂攻齊人于艾陵

艾陵在兗州

還

為越王禽于三江之浦

三江婁江東江松江也浦水濱也即干隧

智氏信韓

魏從而伐趙攻晉陽之城勝有日矣韓魏反之殺智伯

瑤於鑿臺之上

次在榆

今王妒楚之不毀也而忘毀楚之

彊韓魏也

楚毀不能侵之故彊

臣為大王慮而不取詩云大武遠

宅不涉

逸詩威武之大者遠安定之不必涉其地也

從此觀之楚國援也鄰

國敵也詩云他人有心予忖度之躍躍堯兕遇犬獲之

臣岳頌曰反覆
辨難總歸到莫
若善楚一語後
宋蠶食六國一

一與其言合歇
真策士之雄

臣廷敬曰為秦
計者必先服韓

大雅巧言詩付亦度也雖躍走也免狡也言免雖善走
或時遇犬犬能得之人心難知或可付度○躍以灼反

今王中道而信韓魏之善王也中道在此前後間此正吳信越也

臣聞敵不可易時不可失臣恐韓魏之卑辭慮患以慮患故

卑而實欺大國也王既無重世之德於韓魏重猶累也而有

累世之怨焉夫韓魏父子兄弟接踵而死于秦者百世

矣百一作累本國殘社稷壞宗廟隳剝腹拆頤頤領也首身分離

暴骨草澤暴日乾也頭顱僵仆顱首骨僵仆倒也相望于境父子老

弱係虜相隨於路係累為虜虜獲也鬼神狐祥無所食狐祥狐之為妖

魏然後可以窺
兵於山東為六

者一作狐傷無所
食無人為之依也

百姓不聊生族類離散流亡為臣妾

國計者必善韓
魏然後秦有兩

男為人臣
女為妾

滿海內矣韓魏之不亡秦社稷之憂也今王

顧忌而不敢輕
發宋傷蘇轍論

之攻楚不亦失乎且王攻楚之日則惡出兵

惡安也王將

之詳矣而當時
之策士往往嫁

藉路於仇讐之韓魏乎兵出之日而王憂其不反也是

禍韓魏以自抒
其患所謂滅六

王以兵資于仇讐之韓魏王若不藉路于仇讐之韓魏

國者六國也不
信然耶

必攻隨陽右壤

陽作水楚都陳隨水之右壤蓋在此皆
隨之西今鄧州之西多山林者是

廣川大水山林谿谷不食之地王雖有之不為得地是

臣杜訥曰黃歇
危言儻聽以冀

王有毀楚之名無得地之實也且王攻楚之日四國必

昭王之善楚謀
國之心亦云苦
矣何若親與國
以禦之不待命
於秦之為愈耶

儼山陸深曰當
時齊竄大又提
出作一折最有
輕重

悉應王

齊趙韓魏也方言南攻故不
及燕應言以兵從之蓋躡秦也

秦楚之兵構而不

離魏氏將出兵而攻留方與鉅胡陵碭蕭相

留在沛縣
方與鉅胡

陵皆地名碭蕭今徐州
縣碭屬梁國徐屬沛

故宋必盡

七邑故
皆宋地

齊人南面泗

水必舉

泗水受濟
水東入淮

北皆平原四達膏腴之地也而王使

之獨攻

秦與楚戰不暇救七邑及泗
北二國攻之兵勢無所分也

王破楚於以肥韓

魏於中國而勁齊韓魏之彊足以校于秦矣而齊南以

泗為境東負海

負背也
與抱反

北倚河而無後患天下之國

莫彊于齊齊魏得地利

徐保
同

而詳事下吏

詳讀
曰伴

一年

臣士奇曰縱橫之術皆合六國為謀秦申說秦王善楚攻韓魏專為一國計也徒緩近憂未周遠慮其言雖足傾聽如唇亡齒寒何

臣鴻緒曰歇說秦伐韓魏與范雎遠交近攻之策脗合然韓魏亡則禍亦中於楚矣歇見楚勢

之後為帝若未能于以禁王之為帝有餘夫以王壤土

之博人徒之衆兵革之彊而注地于楚

注猶屬言地廣

詎令韓

魏歸帝重於齊

詎猶反詎命令于韓魏歸為帝之重于齊言齊韓魏皆強而齊尤甚也

是

王失計也臣為王慮莫若善楚秦楚合而為一以臨韓

韓必授首

言其服而請誅

王襟以山東之險

蔽障如襟帶

帶以河曲之

利

圓統如帶

韓必為關中之侯

比之侯吏

若是王以十萬戍鄭梁

氏寒心

戰懼則然

許鄆陵

今開封州縣

嬰城上蔡召陵

屬汝寧府

不往

來也

韓魏不通

如此而魏亦關內侯矣王一善楚而關內二

弱不得不為權
時之計耳

萬乘之主注地於秦

一作齊

齊之右壤可拱手而取也

拱斂

也是王之地一經兩海

西海至東海

要絕天下也

要謂中

是燕

趙無齊楚齊楚無燕趙也然後危動燕趙

以危亡之事恐動之

持

齊楚

持劫之也

此四國者不待痛而服矣

應侯謂昭王

應侯謂昭王曰

應鄉在汝州魯山縣東。應于陵反。

亦聞恒思有神叢與

恒思地名神祠叢樹也

恒思有悍少年請與叢博

局戲也六者十二槩

曰吾

先設兩喻正意只
澹澹說過蓋前既
危言切論至是知
昭王之心已移故
第借比喻之詞一
申明其說使聽者

勝叢叢藉吾神三日

以神靈借我

不勝叢叢困我乃左手為

疎然

叢投

投投
也

右手自為投

右彊而
欲自取勝

勝叢叢藉其神三日

叢往求之遂弗歸五日而叢枯七日而叢亡今國者王

之叢勢者王之神藉人以此得無危乎臣未嘗聞指大

於臂臂大於股若有此則病必甚矣百人輿瓢而趨

負之

如輿
載物

不如一人持而走疾百人誠輿瓢瓢必裂

以爭持
者衆

今秦國華陽用之

華陽君并戎宣
太后同父弟

穰侯用之太后用之

王亦用之不稱瓢為器則已

稱猶等也
謂比國于瓢

稱瓢為器國

臣鴻緒曰尊主
抑臣乃范雎立
說大指然穰侯
在秦有功非列
國專政者比

必裂矣臣聞之木實繁者枝必披枝之披者傷其心都

臣正治曰秦之
所不足者非威
權旁落也應侯
特以危言動主
欲擅其國柄耳

大者危其國臣彊者危其主其令邑中自斗食以上

歲俸

不滿百斛計日而食一斗二升

至尉內史

秦有郡縣有內史郡國官也

及王左右有

非相國之人者乎

相國穰侯

國無事則已國有事臣必見王

獨立於庭也臣竊為王恐恐萬世之後有國者非王子

孫也臣聞古之善為政者其威內扶

扶猶持也言不顛仆

其輔外

布而治

輔謂肱肱之臣

政不亂不逆使者直道而行不敢為非

今太后使者分裂諸侯而符布天下操國之勢徵彊兵

伐諸侯戰勝攻取利盡歸陶

穰侯封國今宛州定陶縣

國之幣帛竭

入太后之家境內之利分移華陽古之所謂危主滅國之道必從此起三貴竭國以自安

謂太后華陽穰侯也

然則今何

得從王出權何得毋分是王果處三分之一也

武安君諫秦昭王伐趙

昭王既息民繕兵

繕聚也

復欲伐趙武安君曰

白起

不可王

以趙之殘而難攻以韓魏楚之完而易取可見兵無常強亦無常弱而其機則在能懼與否而已

曰前年國虛民饑君不量百姓之力求益軍糧以滅趙今寡人息民以養士蓄積糧實三軍之俸有倍于前而曰不可其說何也武安君曰長平之事

長平在上黨郡

秦軍大

類纂蘇轍曰子
請太史公白起
傳秦之再攻邯
鄲也起與范雎
有怨稱病不行
以亡其軀歎起
以武夫困於游
談之士使起勉
強一行兵未必
敗而免於死矣
及覽戰國策觀
起自陳成敗之
蹟乃知邯鄲決
不可再攻而起

克趙軍大破秦人歡喜趙人畏懼秦民之死者厚葬傷
者厚養勞者相饗飲食饋餽以靡其財趙人之死者不
得收傷者不得療涕泣相哀戮力同憂耕田疾作以生
其財今王發軍雖倍於前臣料趙國守備亦以十倍矣
趙自長平以來君臣憂懼早朝晏罷早辭重幣四面出
嫁結親燕魏連好齊楚積慮并心備秦為務其國內實
其交外成當今之時趙未可伐也王曰寡人既以興師
矣乃使五校大夫王陵將而伐趙陵戰失利亡五校王

非特以怨不行
蓋為之流涕也
趙充國征西羌
守便宜不用臯
武賢之策武賢
怨之雖不能害
充國而卒陷其
子鳴呼循道不
阿自古難之與

欲使武安君武安君稱疾不行王乃使應侯往見武安

君責之曰楚地方五千里持戟百萬君前率數萬之衆

入楚拔鄢郢焚其廟東至竟陵

竟陵在郢州長壽縣南

楚人震恐

東徙而不敢西向韓魏相率興兵甚衆君所將之卒不

能半之而與之戰于伊闕

伊闕屬弘農郡

大破二國之軍流血

漂鹵斬首二十四萬韓魏以故稱東藩此君之功天下

莫不聞今趙卒之死於長平者已十七八其國虛弱是

以寡人大發軍人數倍於趙國之衆願使君將必欲滅

之矣君常以寡擊衆取勝如神況以強擊弱以衆擊寡乎武安君曰是時楚王恃其國大不惜其政而羣臣相妒以功諛諂用事良臣斥疎百姓心離城池不修既無

良臣又無守備故起所以得引兵深入多倍城邑

言所過城

邑多也發梁焚舟以專民

梁橋也此皆示以不還使民專于戰也

掠于郊野

以足軍食當此之時秦之士卒以軍中為家將帥為父母不約而親不謀而信一心同力死不旋踵楚人自戰其地咸顧其家各有散心莫有鬪志是以能有功也伊

闕之戰韓孤顧魏

韓勢孤故顧魏助已

不欲先用其衆魏恃韓之

銳

時韓主兵

欲推以為鋒二軍爭便之力不同是以臣得設

疑兵以持韓陣

持不決戰也

專軍并銳觸魏之不意魏軍既

敗韓軍自潰乘勝逐北以是之故能立功皆計利形勢

自然之理何神之有哉今秦破趙軍於長平不遂以時

乘其振懼而滅之畏而釋之使得耕稼以益畜積養孤

長幼以益其衆繕治兵甲以益其強增城浚池以益其

固主折節以下其臣臣推體以下死士至于平原之屬

皆令妻妾補縫於行伍之間臣人一心上下同力猶句踐困於會稽之時也以今伐之趙必固守挑其軍戰必不肯出圍其國都必不可克攻其列城必不可拔掠其郊野必無所得兵出無功諸侯生心外救必至臣見其害未睹其利又病未能行應侯慙而退以言于王王曰微白起吾不能滅趙乎復益發軍更使王齕代王陵伐趙圍邯鄲八月死傷者衆而弗下趙王出輕銳以寇其後秦數不利武安君曰不聽臣計今果如何王聞之

怒因見武安君強起之曰君雖病強為寡人卧而將之
有功寡人之願將加重於君如君不行寡人恨君武安
君頓首曰臣知行雖無功得免於罪雖不行無罪不免
于誅然惟願大王覽臣愚計釋趙養民以俟諸侯之變
撫其恐懼伐其驕慢誅滅無道以令諸侯天下可定何
必以趙為先乎此所謂為一臣屈而勝天下也大王若
不察臣愚計必欲快心于趙以致臣罪此亦所謂勝一
臣而為天下屈者也夫勝一臣之嚴焉威也孰若勝天

文甚諧麗動人却是千古不易之正論

下之威大耶臣聞明主愛其國忠臣愛其名破國不可復完死卒不可復生臣寧伏受重誅而死不忍為辱軍之將願大王察之王不答而去

鄒忌諷齊王納諫齊策

鄒忌脩八尺有餘而形貌眇麗

鄒忌為齊相封成侯眇是也日昃則光眇故以

喻美麗也。眇徒結反。

朝服衣冠窺鏡謂其妻曰我孰與城北徐

公美其妻曰君美甚徐公何能及君也城北徐公齊國之美利者也忌不自信而復問其妾曰我孰與徐公美

臣德宜曰唐文
皇有言以銅為
鏡可以正衣冠
以人為鏡可以
知得失鄒忌覽
鏡自知而齊王
下賞諫之令則
又能以鄒忌為
鏡者也

水心葉適曰鄒
忌自知不如徐
公美因此勸其
君受諫聞過古
人君臣之相與
言也以義理達

妾曰徐公何能及君也旦日客從外來與坐談問之吾

與徐公孰美客曰徐公不若君之美也明日徐公來孰

視之孰與自以為不如窺鏡而自視又弗如遠甚暮寢

而思之曰吾妻之美我者私我也妾之美我者畏我也

客之美我者欲有求於我也於是入朝見威王曰田齊桓公

子臣誠知不如徐公美臣之妻私臣臣之妾畏臣臣之

客欲有求于臣皆以美于徐公今齊地方千里百二十

城宮婦左右莫不私王朝廷之臣莫不畏王四境之內

貪欲而治道立
忌之言也以貪
欲求義理而誅
路開矣豈治
道義理固無往
而不在耶雖然
其與義何

寥寥數語為歐陽
朋黨論之所自出

莫不有求於王由此觀之王之蔽甚矣王曰善乃下令
羣臣吏民能面刺寡人之過者受上賞上書諫寡人者
受中賞能謗議於市朝間寡人之耳者受下賞令初下
羣臣進諫門庭若市數月之後時時而間進期年之後
雖欲言無可進者燕趙韓魏聞之皆朝于齊此所謂戰
勝於朝廷

淳于髡一日見七士

淳于髡一日而見七人於宣王

淳于髡齊之辯士宣王威王

子曰

人以薦賢為樞者
可以祛其惑矣

臣見狀曰髡滑
稽之雄所薦士
未必皆賢然其
言甚切於理

來寡人間之千里而一士是比肩而立百世而一聖若
隨踵而至也今子一朝而見七士則士不亦衆乎淳于
髡曰不然夫鳥同翼者而聚居獸同足者而俱行今求
柴胡桔梗於沮澤則累世不得一焉及之罽秦梁父之
陰罽秦梁父皆山名則卸車而載耳卸卻同言多獲車重不前夫物各有疇
今髡賢者之疇也王求士於髡若挹水於河而取火于
燧也髡將復見之豈特七士也

馮煖客孟嘗君

馮煖焚券為孟嘗結民志也若漢之文景時下蠲租之令其得民也大矣豈區區市義之足云

方山薛應旂曰古人陳詞隱約令人可思馮煖直云無好無能便非當時游士所及孟嘗固已心識之矣賤之以試之也

齊人有馮煖者

煖史記作驩

貧乏不能自存使人屬孟嘗君

名文靖郭君田嬰子封于薛孟嘗邑名在薛旁願寄食門下孟嘗君曰客何好

曰客無好也曰客何能曰客無能也孟嘗君笑而受之

曰諾左右以君賤之也食以草具

草菜也具饌具

居有頃倚柱

彈其劍歌曰長鋏歸來乎

缺劍把也

食無魚左右以告孟嘗

君曰食之比門下之客

列士傳孟嘗君厨有三列上客食肉中客食魚下客食菜

本比門下之客

居有頃復彈其鋏歌曰長鋏歸來乎出無車

左右皆笑之以告孟嘗君曰為之駕比門下之車客

乘車

客之於是乘其車揭其劍

揭舉也

過其友曰孟嘗君客我

後有頃復彈其劍缺歌曰長缺歸來乎無以為家

叶工乎反

左右皆惡之以為貪而不知足孟嘗君問馮公有親乎

對曰有老母孟嘗君使人給其食用無使乏於是馮煖

不復歌後孟嘗出記

記疏也

問門下諸客誰習計會

計會笑會

總會能為文收責於薛者乎

責債同薛城在今滕縣

馮煖署曰能

署書也

孟嘗君怪之曰此誰也左右曰乃歌夫長缺歸來

者也孟嘗君笑曰客果有能也吾負之未嘗見也請而

臣英曰叙馮煖
奇叙孟嘗亦奇
以照應為波瀾
龍門列傳多本
此

正傳吳師道曰
馮公非真無能
故孟嘗聞其著
則曰客果有能
也魏子予粟馮
公焚券平蒙其
力百乘之家不
富聚歛之臣豈
迂哉

見之謝曰文倦於是

是謂國事一本是作事

憤於憂而性惇愚

憤亂

也惇當作懦弱也

沈於國家之事開罪於先生先生不羞乃有

意欲為收責于薛乎馮煖曰願之于是約車治裝載券

契而行

券亦契也

辭曰責畢收以何市而反孟嘗君曰視吾

家所寡有者驅而之薛使吏召諸民當償者悉來合券

券徧合赴

凡券取者與者各收一責則合驗之徧合矣乃來聽令

矯命

矯孟嘗以之命

責賜諸民因燒其券民稱萬歲長驅到齊晨而求見孟

嘗君怪其疾也衣冠而見之曰責畢收乎來何疾也曰

收畢矣以何市而反馮煖曰君云視吾家所寡有者臣竊計君宮中積珍寶狗馬實外廩美人充下陳君家所寡有者以義耳竊以為君市義孟嘗君曰市義奈何曰

君有區區之薛不拊愛子其民

拊猶摩也

因而賈利之臣竊

矯君命以責賜諸民因燒其券民稱萬歲乃臣所以為

君市義也孟嘗君不說曰

一作乃

諾先生休矣

休息也

後朞

年齊王謂孟嘗君曰

齊王閔王也

寡人不敢以先王之臣為

臣

遣其就國而為之辭

孟嘗君就國于薛未至百里民扶老攜幼

不為福先不為禍
始此權藉之說也
聖人則以上順天
道為權下合人心
為藉王者有征無
戰用此道也

迎君道中終日孟嘗君顧謂馮煖先生所為文市義者
乃今日見之

蘇子說齊閔王

蘇子說齊閔王曰臣聞用兵而喜先天下者憂約結而

喜主怨者孤

為約以結與國而伐人人必怨之又為之主衆所不與故孤

夫後起者

藉也而遠怨者時也是以聖人從事必藉於權而務興

於時夫權藉者萬物之率也

率即同猶長也

而時勢者百事之

長也故無權藉倍時勢而能事成者寡矣今雖干將莫

荆川唐順之曰
是策不從揣摩
捭闔中來直論
天下形勢用兵
虛實懣懣以戰
兵為意縱軼馳
蕩不詭於道奇
士也

邪

名二劍

非得人力則不能割剡矣

剡利也

堅箭利金不得

弦機之利則不能遠殺矣矢非不銛

音仙利也

而劍非不利

也何則權藉不在焉何以知其然也昔者趙氏襲衛車

舍人不休傳

主車者傳驛遠也。去聲

衛國城割平

言城中割地求成

衛八

門土

以土塞門而守

而二門隳矣此亡國之形也衛君跣行告

愬于魏魏王

武侯

身被甲砥劍挑趙索戰邯鄲之中驚

驚亂

河山之間亂衛得是藉也亦收餘甲而北面踐剛平

地名

墮中年之郭

中年在相州蕩陰縣

衛非强于趙也譬之魏矢而

衛弦機也藉力魏而有河東之地

趙敬侯四年築剛平以侵衛五年齊魏為

衛敗趙剛平

趙氏懼楚人救趙而伐魏戰于州西

州屬河內

出梁

門軍舍林中

宛有林鄉

馬飲於大河趙得是藉也亦襲魏之

河北

屬河東

燒棘蒲

敬侯六年借兵楚取魏棘蒲古棘蒲邑在趙州平棘縣

隊黃城

在魏州冠氏縣

故剛平之殘也中牟之墮也黃城之隊也棘蒲

之燒也此皆非趙魏之欲也然二國勸行之者何也衛

明於時權之藉也今世之為國者不然矣兵弱而好敵

強國罷而好衆怨事敗而好鞠之

鞠窮也言逆事

兵弱而憎下

人地狹而好敵大事敗而好長詐行此六者而求霸則
遠矣臣聞善為國者順民之意而料兵之能然後從於
天下故約不為人主怨伐不為人挫強

不以兵為人挫強敵如此

則兵不費權不輕地可廣欲可成也昔者齊之與韓魏

伐秦楚也

齊閔王十一年為楚合于秦遂與韓魏共伐楚十六年又合韓魏伐秦

然而天

下獨歸咎於齊者何也以其為韓魏主怨也且天下徧
用兵矣齊燕戰而趙氏兼中山秦楚戰韓魏不休而宋
越專用其兵此十國者皆以相敵為意而獨舉心于齊

者何也約而好主怨伐而好挫強也且夫強大之禍常

以王人為意也

欲為人王

夫弱小之殃常以謀人為利也

特謀

人以為利而致殃

是以大國危小國滅也大國之計莫若後起

而重伐不義

主于後起藉權不以伐不義為急

夫後起之藉與多而兵

勁則是以衆強敵罷寡也兵必立也事不塞天下之心

塞猶迫也

則利必附矣大國行此則名號不攘而至霸王不

為而立矣小國之情莫如謹靜而寡信諸侯

信猶恃也

則四鄰不反寡信諸侯則天下不賣

賣猶欺也

外不賣內不

反則蓄積朽腐而不用幣帛矯蠹而不服矣小國道此則不祠而福矣不貸而財足矣故曰祖仁者王立義者霸用兵窮者亡何以知其然也昔吳王夫差以強大為天下先襲郢而棲越身從諸侯之君諸侯從之而卒身死國

亡為天下戮者何也此夫差平居而謀王強大而喜先

天下之禍也昔者萊莒好謀

春秋傳齊侯滅萊萊恃謀也

陳蔡好詐

莒恃謀而滅蔡恃晉而亡

莒蔡皆恃遠忽近而亡

此皆內長詐外

信諸侯之殃也由此觀之則強弱大小之禍可見于前

事矣語曰騏驥之哀也駑馬先之孟賁之倦也女子勝

之夫駑馬女子筋力骨勁非賢於騏驥孟賁也何則後

起之藉也今天下之相與也不並滅

與猶恃也言與之相恃亦不皆亡在

所處耳

有能按兵而後起寄怨而誅不直

寄言假手於人不為主也微

用兵而寄於義

言隱其用兵之真情而寄寓于義以為名

則霸天下可跼足

而須也

跼不伸也

明於諸侯之故察於地形之理者不約親

不相質而固

質子。質去聲。

不趨而疾衆事而不反

衆事猶共事

交

割而不相憎

交言彼此割地

俱強而加以親何則形同憂而兵

趨利也

共事宜反覆交割地者宜相憎俱强者宜不相下今皆不然以其同憂趨利故也

何以

知其然也昔者燕齊戰於桓之曲

桓山在齊魯之間

燕不勝十

萬之衆盡胡人襲燕樓煩

屬雁門

數縣取其牛馬夫胡之

與齊非素親也而用兵又非約質而謀燕也然而甚于

相趨者何也形同憂而兵趨利也由此觀之約于同形

則利長後起則諸侯可趨役也

可使趨我而為我役

故明主察相

誠欲以霸王為志則戰攻非所先戰者國之殘也

有害于國

而都縣之費也

邑有宗廟之主曰都二千五百家為縣又周禮四甸為縣四縣為都

殘費

已先而能從諸侯者寡矣彼戰者之為殘也士聞戰則

輸私財而富軍市

士衆所聚有市井焉

輸飲食而待死士今折轅

而炊之殺牛而觴士則是路窘之道也

財用窘於道路

中人禱

祝

國中之人為行者祈

君翳釀

翳猶隱也言釀於中以侍飲至

通都小縣置社

戮

用命者

有市之邑莫不正事而奉主

事謂財賦警備之事

則此虛中

之計也夫戰之明日屍死扶傷雖若有功也軍出費中

哭泣則傷主心矣死者破家而葬夷傷者空財而共藥

共供

完者內酺而華樂

酺大飲也華猶旁也

故其費與死傷者鈞

故民之所費也十年之田而不償也軍之所出矛戟折

鏐鉉絕

鏐刀鏐鉉一作弦

傷弩破車罷馬亡矢之太半甲兵之

具宮之所私出也

宮如父子異宮之宮古者寓兵於農故私家出之

士大夫之

所匿廝養士之所竊十年之田而不償也天下有此再

費者而能從諸侯者寡矣攻城之費百姓理檐蔽

理治也檐

蔽遮矢石之具

舉衝櫓

衝戰陣車櫓高巢車

家雜總

全家并作

身窟穴中

謂穿地道

衆罷於刀金而士困于土功將不釋甲暮數而能拔城

者為亟耳

持昔年數數月

上倦於教士斷於兵

斷音短裁也

故三下

城而能勝敵者寡矣故曰彼戰攻者非所先也何以知

其然也昔智伯瑤攻范中行氏殺其君滅其國又西圍

晉陽吞併二國

韓

而憂一主

趙襄子

此用兵之盛也然而

智伯卒身死國亡為天下笑者何謂也兵先戰攻而滅

二子之患也昔者中山悉起而迎燕趙南戰於長子

潞屬

州敗趙氏北戰於中山克燕軍殺其將夫中山千乘之

國也而攻萬乘之國二再戰比勝

比相次也

此用兵之上節

也

節猶等也

然而國遂亡君臣於齊者

閔王二十九年齊佐趙滅中山

何也

不啻於戰攻之患也

啻各也不啻言好戰

由此觀之則戰攻之敗

可見於前事矣今世之所謂善用兵者終戰比勝

終戰謂窮

兵而守不可拔

守城期於不拔

天下稱為善一國得而保之

所得

稱為善者保恃之

則非國之利也臣聞戰大勝者其士多死而

兵益弱守而不可拔者其百姓罷而城郭露

外無居人故暴露

夫士死於外民殘于內而城郭露于境則非王之樂也

今夫鵠的非咎罪於人也便弓引弩而射之

便謂巧審弓得便巧

乃中者則善

人善之

不中則愧少長貴賤則同心于貫之

者何也惡其示人以難也

的示人以難中故人爭欲賞之然則人如的者人所惡也

今窮戰比勝而守必不敗則是非徒示人以難也又且

害人者也然則天下仇之必矣夫罷士露國而多與天

下為仇則明君不居也素用強兵而弱之

素猶常也言兵常用雖強

必則察相不事

不從事於此

彼明君察相者則五兵不動而

諸侯從

五兵刀劍矛戟矢

辭讓而重賂至矣故明君之攻戰也

甲兵不出於軍而敵國勝衝櫓不施而邊城降士民不

知而王業至矣彼明君之從事也用財少曠日遠而利

長者

曠濶也日雖濶速其利不窮

故曰兵後起則諸侯可趨役也臣

之所聞攻戰之道非師者

言不用師旅

雖有百萬之軍北之

堂上

北敗也諸本皆作北似當從北

雖有闔閭吳起之將禽之戶內千

丈之城拔之尊俎之間百尺之衝折之衽席之上故鐘

鼓箏瑟之音不絕于前地可廣而欲可成和樂倡優侏

儒之笑不乏諸侯可同日而致也故名配天地不為尊

利制海內不為厚故夫善為王業者在勞天下而自逸

亂天下而自安諸侯無成謀

國我之謀不成

則其國無宿憂也

宿留也 何以知其然也 佚治在我 勞亂在天下 則王之道

也 銳兵來則拒之 患至則趨之 趨言往應之 使諸侯無成謀

則其國無宿憂矣 何以知其然也 昔者魏王擁土千里

王 惠 帶甲三十六萬 恃其強而拔邯鄲 史記惠王十七年趙邯鄲十八年

拔邯鄲 西圍定陽 屬上黨 又從十二諸侯朝天子以西謀秦

秦王恐之 秦王孝公也史尊稱之 寢不安席 食不甘味 令于境內

盡堞中為戰具 堞城上女牆 竟為守備 竟古境同 為死士置將以

待 魏氏衛鞅謀於秦王曰 夫魏氏其功大而令行于天

下有十二諸侯而朝天子其與必衆故以一秦而敵大
魏恐不如王何不使臣見魏王則臣請必北魏矣秦王
許諾衛鞅見魏王曰大王之功大矣令行於天下矣今
大王之所從十二諸侯非宋衛也則鄒魯陳蔡比固大
王之所以鞭箠使也不足以王天下大王不若北取燕
東伐齊則趙必從矣西取秦南伐楚則韓必從矣大王
有伐齊楚心而從天下之志使天下從則王業成矣大王不
如先行王服王者然後圖齊楚魏王說於衛鞅之言也

故身廣公宮制丹衣柱

以丹帛為柱衣

建九旂從七星之旗此

天子之位也而魏王處之於是齊楚怒諸侯奔齊齊人

伐魏殺其太子覆其十萬之軍魏王大恐跣行按兵於國

而東次於齊

往服於齊也

然後天下乃舍之當是時秦王垂

拱而受西河之外而不以德魏王故衛鞅之始與秦王

計也謀約不下席言于尊俎之間謀成于堂上而魏將

已禽于齊矣衝櫓未施而西河之外已入于秦矣此臣

之所謂北之堂上禽將戶內拔城于尊俎之間折衝席

上者也

按蘇子或作蘇秦或云蘇代史記稱蘇秦佯為得罪燕而亡走齊說得王厚葬以明孝高宮室

大苑園以明得意欲散齊而為燕蘇代繼之實祖秦之故智大事記云齊之伐宋也蘇代實啟之秦之救宋也蘇代復止之代為燕反間驕其君勞其民而連其亡也此言藉權與時後起遠怨乃忠子謀齊者豈其言遂若牙與楸哉是不可知也是言在滅中山後敗燕北城宋侵三晉之前蓋閔王不聽此策以致敗歟

田單攻狄

田單將攻狄

田單齊諸田疏屬封安平君高苑縣西北有狄故城

往見魯仲子

名連

齊人仲子曰將軍攻狄不能下也田單曰臣以五里之城

七里之郭破亡餘卒破萬乘之燕復齊墟攻狄而不下

淋瀝生動語語雋冷

臣士奇曰單能復齊七十餘城

至是狄人不下
驕則生情彼此
異時仲連非戰
國功名之士故
持論偏直

何也上車弗謝而去遂攻狄三月而不克之也齊嬰免

諛曰大冠若箕

箕簸

脩劍拄頤攻狄不能下壘枯丘

壘

壁也枯丘地名也說苑作
攻狄不能下壘于枯丘

田單乃懼問魯仲子曰先生

謂單不能下狄請問其說魯仲子曰將軍之在即墨坐

而織蕢

蕢草

立則杖挿

挿鐃同

為士卒倡曰可往矣宗

廟亡矣亡日尚矣

尚猶久也言見亡
之兆其日已久

歸於何黨矣

黨亦
鄉也

言無
所歸

當此之時將軍有死之心而士卒無生之氣聞若

言莫不揮泣奮臂而欲戰此所以破燕也當今將軍東

有夜色之奉

夜說苑作披

西有菑上之虞黃金橫帶而馳乎

溜澠之間有生之樂無死之心所以不勝者也田單曰

單有心先生志之矣明日乃厲氣循城

厲激昂也

立于矢石

之所乃援枹鼓之

枹擊鼓杖音孚

狄人乃下

莊辛論幸臣

楚策

文近於賦瑰麗可觀

莊辛謂楚襄王曰

莊辛楚人莊王之後襄王即頃襄王也

君王左州侯右

夏侯輦從鄢陵君與壽陵君

皆楚之寵幸臣輦從謂輦出則二人從之

專淫

逸侈靡不顧國政郢都必危矣襄王曰先生老悖乎將

儼山陸深曰此文乃策賦之流

以為楚國妖祥乎莊辛曰臣誠見其必然者也非敢以

為國妖祥也君王卒幸四子者不哀楚國必亡矣臣請

避於趙淹留以觀之莊辛去之趙留五月秦果舉鄢郢

巫上蔡陳之地

二十一年白起拔郢置南郡

秦拔巫置黔中郡

於成陽

派奔走拊覆也謂自匪成陽屬汝南

於是使人發騶徵莊辛於趙

騶廐御也

莊辛曰諾莊辛至襄王曰寡人不能用先生之言

今事至於此為之奈何莊辛對曰臣聞鄙語曰見兔而

顧犬未為晚也亡羊而補牢

牢閉養之固

未為遲也臣聞昔

臣乾學曰自謂無患之念一萌雖秦隋不能善其後況楚襄乎有幽風無逆之意而出之婉遊納牖之至善者

湯武以百里昌桀紂以天下亡今楚國雖小絕長續短猶以數千里豈特百里哉王獨不見夫蜻蛉乎六足四翼飛翔乎天地之間俛啄螭蛭而食之仰承甘露而飲之自以為無患與人無爭也不知夫五尺童子方將調飴膠絲飴米藥所煎調以餵之加已乎四仞之上而下為螻蟻食也夫蜻蛉其小者也黃雀因是以俯噉白粒噉啄也仰棲茂樹鼓翅奮翼自以為無患與人無爭也不

知夫公子王孫左挾彈右攝丸將加已乎十仞之上以

臣笑曰酷寓幸
臣盡感之禍比
物連類亦似莊
生之感與鵲也

臣叔元曰長引
曲喻後世七發

其顛為招畫游乎茂樹夕調乎酸醎以為餽也倏忽之間墜

於公子之手夫黃雀其小者也黃鵠因是以游乎江海

淹乎大沼俯噉鱣鯉仰噉陵衡陵同菱笑屬衡即符接余也奮其六

翮而凌清風飄颻乎高翔自以為無患與人無爭也不

知夫射者方將修其澹盧澹可為鏃盧黑弓也治其矰繳將加已

乎百仞之上被剗磔剗利也磔義同磔引微繳折清風而抃矣

抃音義同傾故畫游乎江河夕調乎鼎鼐夫黃鵠其小者也

蔡靈侯之事靈侯名般因是以南游乎高陂北陵乎巫山飲

諸篇皆祖此而指斥佞幸使聞者也變體慷慨誠古今之善規也

東萊呂祖謙曰頃襄既失郢都復台莊卑閭其言至於色變體

姑溪流食湘波之魚左抱幼妾右擁嬖女與之馳騁乎

高蔡之中

高蔡即上蔡

而不以國家為事不知夫子發方受

命乎靈王

子發楚大夫靈王名虔

繫已以朱絲而見之也

春秋昭公十一

年楚子誘蔡靈侯殺之于中蔡靈侯之事其小者也君王之事因是

以左州侯右夏侯輦從鄢陵君與壽陵君飯封祿之粟

食所封之祿

而載方府之金

方四方金其所貢也

與之馳騁乎雲夢之

中而不以天下國家為事而不知夫穰侯方受命于秦

王

秦昭王

填黽塞之內

填兵滿也黽鄢同汝寧府羅山縣清平關古鄢縣之阨塞

而投

慄此其所以能
稍復故地也

文勢忽斷忽連若
長江萬里波瀾無
盡若移此神志明
內聖外王之道仁
義禮智之功當時
所就又復何如哉

臣熙曰六國形
勢不同強弱各

已乎黽塞之外襄王聞之顏色變作身體戰慄於是乃
以執珪而授之為陽陵君與淮北之地

蘇秦以合從說趙

趙策

蘇秦從燕之趙始合從說趙王曰

成侯子肅侯也

天下之卿相

人臣乃至布衣之士莫不高賢大王之行義皆願奉教

陳忠於前之日久矣雖然奉陽君妒

奉陽君肅侯之弟趙成

大王

不得任事是以賓客游談之士無敢盡忠於前者今奉

陽君捐館舍大王乃今然後得與士民相親臣故敢進

異合之易解之
亦易然指陳一
時利害亦自妮
妮抵掌而談才
情俊邁

其愚忠為大王計莫若安民無事請無庸有為也安民

之本在於擇交

與諸侯交

擇交而得則民安擇交不得則民

終身不得安

終趙王身

請言外患齊秦為兩敵

為趙敵

而民不

得安倚秦攻齊而民不得安倚齊攻秦而民不得安故

夫謀人之主伐人之國常苦出辭斷絕人之交

苦猶苦心之苦

願大王慎無出於口也請屏左右曰言所以異陰陽而

已矣

陰陽言事止有兩端指從衡也

大王誠能聽臣燕必致羶裘狗馬

之地齊必致海隅魚鹽之地楚必致橘柚雲夢之地韓

魏皆可使致封地

封內之地

湯沐之邑貴戚父兄皆可以受

封侯夫割地效實

實如種表之類

五伯之所以覆軍禽將而求

也封侯貴戚湯武之所以放弑而爭也

此非所以言湯武蓋游士之詞

今大王垂拱而兩有之是臣之所以為大王願也大王

與秦則秦必弱韓魏與齊則齊必弱楚魏魏弱則割河

外

河外同華等地即西河之外

韓弱則効宜陽宜陽効則上郡絕

上郡

在同州西北

河外割則道不通楚弱則無援此三策者不可

不熟計也夫秦下軹道

軹道在雅州萬年縣東北

則南陽動

北南陽在修武

劫韓包周則趙自銷鑠據衛取淇則齊必入朝秦欲已

得行於山東則必舉甲而向趙秦甲涉河踰漳據番吾

在常山。則兵必戰於邯鄲之下矣此臣之所以為大

番音盤

王患也當今之時山東之建國莫如趙彊趙地方二千

里帶甲數十萬車千乘騎萬匹粟支十年西有常山南

有河漳

屬邯鄲

東有清河北有燕國燕固弱國不足畏也

且秦之所畏害於天下者莫如趙

言秦于天下獨畏趙害已

然而秦

不敢舉兵甲而伐趙者何也畏韓魏之議其後也然則

臣廷狀曰蘇秦
所深慮者在韓
魏范雎所欲先
取者亦在韓魏
蓋當時之利害
形勢實不出乎
此使諸侯終守
其約秦安能出
關而窺山東乎

升庵楊慎曰秦
胸中計畫天下
如博塞布子置
路歷歷在前亦

韓魏趙之南蔽也秦之攻韓魏也則不然無有名山大

川之限稍蠶食之傳之國都而止矣

傳附同薄也言兵
薄于韓魏之國都

而後韓魏不能支秦必入臣於秦秦無韓魏之隔禍必

中於趙矣此臣之所以為大王患也臣聞堯無三夫之

分

一夫有田百畝
堯未為唐侯時

舜無咫尺之地以有天下禹無百

人之聚以王諸侯湯武之卒不過三千人車不過三百

乘而為天子誠得其道也是故明主外料其敵國之彊

弱內度其士卒之衆寡賢與不肖不待兩軍相當而勝

敗存亡之機節固已見於胸中矣豈掩於衆人之言而以冥冥決事哉臣竊以天下之地圖案之諸侯之地五倍於秦料諸侯之卒十倍於秦六國并力為一西面而攻秦秦破必矣今西面而事之見臣於秦夫破人之與破於人也臣人之與臣於人也豈可同日而言之哉夫橫人者皆欲割諸侯之地以與秦成與秦成則高臺榭

臺有木曰榭

美宮室聽箏笙琴瑟之音察五味之和前有軒

轅

天文志惟軒轅象後宮此言美人之所處

後有長庭美人巧笑卒有秦患

臣乾學曰當時諸侯能守從約不變終當與秦角立不相下蘇秦此文一時絕大關鍵也洹水一議策諸侯相援用虛用實皆鑿鑿可行不可以辯士游談目之

而不與其憂是故橫人日務以秦權恐喝諸侯以求割

地願大王之熟計之也臣聞明主絕疑去讒屏流言之

迹塞朋黨之門故尊主廣地彊兵之計臣得陳忠於前

矣故竊為大王計莫如一韓魏齊楚燕趙六國從親以

儼畔秦

儼損同

令天下之將相相與會於洹水之上

今大名魏

縣通質刑白馬以盟之約曰秦攻楚齊魏各出銳師以

佐之韓絕食道趙涉河漳燕守常山之北

常山今真定府

秦攻

韓魏則楚絕其後齊出銳師以佐之趙涉河漳燕守雲

中

今大
同府

秦攻齊則楚絕其後韓守成臯

故虎牢
亦名制

魏塞午

道

秦南
道

趙涉河漳博關燕出銳師以佐之秦攻燕則趙

守常山楚軍武關齊涉渤海韓魏出銳師以佐之秦攻

趙則韓軍宜陽楚軍武關魏軍河外齊涉渤海燕出銳

師以佐之諸侯有先背約者五國共伐之六國從親以

儼秦秦必不敢出兵於函谷關以害山東矣如是則霸

業成矣趙王曰寡人年少莅國之日淺未嘗得聞社稷

之長計今上客有意存天下安諸侯寡人敬以國從乃

從容委曲而取成
功可謂善於進言
者

臣德宜曰蘇明
允論諫有理諭
隱諷之法左師
之說趙后妙在

封蘇秦為武安君飭車百乘黃金千鎰白璧百雙錦繡
千純以約諸侯

觸警說趙太后

趙太后新用事

太后惠文王威后

秦急攻之

事在孝成王元年

趙氏求

救於齊齊曰必以長安君為質

長安君孝成王母弟

兵乃出太后

不肯大臣彊諫太后明謂左右有復言令長安君為質

者老婦必唾其面左師觸警願見太后盛氣而揖之入

而徐趨至而自謝曰老臣病足曾不能疾走不得見久

徐徐引入若與
本事絕不相關
而不覺已為感
動唐之狄仁傑
蓋深得此法者

金史曰
卷八
矣竊自恕

久不見宜得罪
今自寬而求見

恐太后玉體之有所却也

卻却

同不
前也

故願望見太后曰老婦恃輦而行曰日食飲得無

哀乎曰恃鬻耳曰老臣今者殊不欲食乃自彊步曰三

四里少益嗜食和於身曰老婦不能太后之色少解左

師公曰老臣賤息舒祺

息子也舒祺其名

最少不肖而臣裒竊

愛憐之願令補黑衣之數

黑衣戎服

以衛王宮沒死以聞太

后曰敬諾年幾何矣對曰十五歲矣雖少願及未填溝

壑而託之太后曰丈夫亦愛憐其少子乎對曰甚於婦

臣笑曰觸誓之言可為人臣進諫之法巽之妙也子義之言可為人臣宣勞之勸蹇之美也

升庵楊慎曰人常以所愛奪於所尤愛長安君太后之所愛也使長安君世稱寡后之所尤愛也況以存亡之故惕之乎是

人太后曰婦人異甚對曰老臣竊以為媼之愛燕后

女媼

老稱燕后太后女

賢於長安君曰君過矣不若長安君之甚左

師公曰父母之愛子則為之計深遠媼之送燕后也持

其踵為之泣念悲其遠也亦哀之矣已行非弗思也祭

祀必祝之祝曰必勿使反

失意于燕乃反爾

豈非計長久有子

孫相繼為王也哉太后曰然左師公曰今三世以前至

於趙之為趙趙王之子孫侯者其繼有在者乎曰無有

曰微獨趙諸侯有在者乎曰老婦不聞也

此下左此其

太后之從左師
觸鄰言者傳其
機故也不則初
之愛者何心而
後乃忘君之所
使之哉

近者禍及身遠者及其子孫豈人主之子孫則必不善
哉位尊而無功奉厚而無勞而挾重器多也今媼尊長
安之位而封以膏腴之地多予之重器而不及今令有
功於國一旦山陵崩長安君何以自託於趙老臣以媼
為長安君計短也故以為其愛不若燕后太后曰諾恣
君之所使之於是為長安君約車百乘質於齊齊兵乃
出子義聞之子義趙之賢士曰人主之子也骨肉之親也猶不
能恃無功之尊無勞之奉以守金玉之重也而況人臣

乎

魯仲連義不帝秦

不帝秦大義也辭
封爵高節也責新
垣衍處風言矣矣

秦圍趙之邯鄲

事在考成
王九年

魏安釐王使將軍晉鄙救趙

魏安釐王
昭王子

畏秦止於蕩陰

屬河內

不進魏王使客將軍辛

垣衍

稱客是也國
而仕魏者

間入邯鄲

間謂
微行

因平原君

趙惠文王
弟勝封平

原謂趙王曰秦所以急圍趙者前與齊閔王爭彊為帝

閔王宣
王子

已而復歸帝以齊故

田齊不稱帝故
秦亦去帝號

今齊閔王

益弱

謂今之齊視
閔王已益弱

方今唯秦雄天下此非必貪邯鄲其

意欲求為帝趙誠發使尊秦昭王為帝

稱諡追書之詞

秦必喜

罷兵去平原君猶豫未有所決此時魯仲連適游趙會

秦圍趙聞魏將欲令趙尊秦為帝乃見平原君曰事將

奈何矣平原君曰勝也何敢言事百萬之衆折於外今

又內圍邯鄲而不去

趙邯鄲

魏王使客將軍辛垣衍令趙

帝秦今其人在是勝也何敢言事魯連曰始吾以君為

天下之賢公子也吾乃今然後知君非天下之賢公子

也梁客辛垣衍安在吾請為君責而歸之平原君曰勝

請為召而見之於先生

召介也禮賓至必因介以傳詞命

平原君遂見

辛垣衍曰東國有魯連先生其人在此勝請為紹介而

見之於將軍辛垣衍曰吾聞魯連先生齊國之高士也

待人臣也使事有職吾不願見魯連先生也平原君曰

勝已泄之矣

泄言已白之

辛垣衍許諾魯連見辛垣衍而無

言辛垣衍曰吾視居此圍城之中者皆有求於平原君

者也今吾視先生之玉貌非有求於平原君者曷為久

居此圍城之中而不去也魯連曰世以鮑焦無從容而

死者皆非也

鮑焦周時隱者言世人見鮑焦之死皆以為不能自寬容而取死此言非也今

衆人不知則為一身

衆人不識焦之意焦恥居濁世而避之非為一身而憂死彼秦

棄禮義而上首功之國也

秦制爵二十戰獲首級者計功受爵時所尊上也權

使其士虜使其民彼則肆然而為帝過而遂正於天下

臣杜納曰卑論足以警愚高風足以起懦千載而下想見其人

過猶不幸也

則連有赴東海而死耳吾不忍為之民也所為

見將軍者欲以助趙也辛垣衍曰先生助之奈何魯連

曰吾將使梁及燕助之齊楚固助之矣辛垣衍曰燕則

吾請以從矣若乃梁則吾乃梁人也先生惡能使梁助

西山真德秀曰魯仲連反覆言

帝秦之害有功
於當時而雄俊
明偉足為論事
之法

之邪魯連曰梁未睹秦稱帝之害故也使梁睹秦稱帝
之害則必助趙矣辛垣衍曰秦稱帝之害將奈何魯仲
連曰昔齊威王嘗為仁義矣率天下諸侯而朝周周貧
且微諸侯莫朝而齊獨朝之居歲餘周烈王崩諸侯皆
弔齊後往周怒赴於齊曰赴告也天崩地折天子下席下席也

言其寢苦居廬謂烈王太子安王驕也

東藩之臣田嬰齊

嬰齊威王名

後至則

斲之威王勃然怒曰叱嗟

也

而母婢也

謂烈王后

卒為天下

笑故生則朝周死而叱之誠不忍其求也彼天子固然

其無足怪辛垣衍曰先生獨未見夫僕乎十人而從一人者寧力不勝智不若邪畏之也魯仲連曰然梁之比於秦若僕邪辛垣衍曰然魯仲連曰然則吾將使秦王烹醢梁王辛垣衍快然不悅曰嘻亦大甚矣先生之言也先生又惡能使秦王烹醢梁王魯仲連曰固也待吾言之昔者鬼侯鄴縣有九侯城九一作鬼鄂侯鄴屬江夏文王紂之三公也鬼侯有子而好故入之於紂紂以為惡醢鬼侯鄂侯爭之急辯之疾故脯鄂侯文王聞之喟然而歎故拘之

東發黃震曰魯連闢新垣衍帝秦之說引鄒魯不肯納齊閔王之事為証可謂深切著明矣

於牖里之庫百日

牖里即美里在湯陰

而欲令之死曷為與人俱

稱帝王卒就脯醢之地也齊閔王將之魯夷維子執策

而從

夷維子齊臣夷維東萊之邑策馬箠也

謂魯人曰子將何以待吾君

魯人曰吾將以十大牢待子之君夷維子曰子安取禮

而來待吾君彼吾君者天子也天子巡狩諸侯避舍納

筦鍵

筦鍵也鍵其壯避且納者示不敢有其國

攝衽抱几

几所據之案也

視膳於堂

下天子已食而聽退朝也魯人投其籥

籥同闔下壯也投者下其壯

不果納不得入於魯將之薛假涂於鄒當是時鄒君死

閔王欲入弔夷維子謂鄒之孤曰天子弔主人必將倍

殯

倍背同主人在殯東將背其殯棺立西階上設北面哭是倍也天子乃于阼階上南面弔之設

北面於南方然後天子南面弔也鄒之羣臣曰必若此

吾將伏劍而死故不敢入於鄒鄒魯之臣生則不得事

養死則不得飯含

以珠玉實瓦者之口曰含

然且欲行天子之禮於

鄒魯之臣不敢納今秦萬乘之國梁亦萬乘之國交有

稱王之名睹其一戰而勝欲從而帝之是使三晉之大

臣不如鄒魯之僕妾也且秦無已而帝

已止也言必欲為之而不止

臣岳頌曰秦雄視天下已無一人不臣妾之連獨倡大義使梁魏不復帝秦鋤強扶弱至今凜凜有生氣文之激印慷慨絕似連之為人

臣鴻緒曰戰國
縱橫家多以利
動人主仲連獨
以義卻秦自是
當時第一流人
物
臣叔元曰不帝
秦大義也却十

則且變易諸侯之大臣彼將奪其所謂不肖而予其所
謂賢奪其所憎而予其所愛彼又將使其子女讒妾為
諸侯妃姬處梁之宮梁王安得晏然而已乎而將軍又
何以得故寵乎於是辛垣衍起再拜謝曰始以先生為
庸人吾乃今日而知先生為天下之士也吾請去不敢
復言帝秦秦將聞之為卻軍五十里適會公子無忌魏
釐王弟封奪晉鄙軍以救趙晉鄙畏秦不進公子竊擊
信陵君秦秦軍引而去於是平原君欲封魯仲連魯仲連辭讓

金高節也戰國策士未有能及之者仲連故有儒者氣象

戰國之君皆講富強魯君獨舉四事警切動人尚有周公之遺教也

者三終不肯受平原君乃置酒酒酣起前以千金為魯連壽魯連笑曰所貴於天下之士者為人排患釋難解紛亂而無所取也即有所取者是商賈之人也仲連不忍為也遂辭平原君而去終身不復見

魯君酒色味論

魏策

梁王魏瑩

武侯子惠王

觴諸侯於范臺

事在十五年魯恭公宋桓侯衛成侯鄭釐

侯來朝

酒酣請魯君舉觴魯君興避席擇言曰

擇善而言

昔者

帝女

蓋堯舜女然無可考

令儀狄作酒而美進之禹禹飲而甘之

震川歸有光曰
凡文章前立數
柱議論後宜鋪
應或意思未盡
雖再言亦可只
要轉換得好如
此非惟見文有
情而章法亦覺

遂疏儀狄絕旨酒曰後世必有以酒亡其國者齊桓公

夜半不噍

言不喜食

易牙乃煎熬燔炙和調五味而進之

牙易

古之知味者肉熟之曰燔近火曰炙桓公食之而飽至旦不覺

言飽而寢安○覺音

教曰後世必有以味亡其國者晉文公得南之威三日

不聽朝遂推南之威而遠之曰後世必有以色亡其國

者楚王登強臺而望崩山

楚王莊王也強臺一作荆臺即章華也崩山一作崇山

左江而右湖以臨彷徨其樂忘死遂盟強臺而弗登曰

後世必有以高臺陂池亡其國者今主君之尊儀狄之

整齊曾共此
論可以為式

四公子中信陵最
賢即此一書審度
事理瞭如指掌雖
善謀國者何以加
之

酒也主君之味易牙之調也左白台而右閭須皆美南
威之美也前夾林而後蘭臺強臺之樂也有一於此足
以亡其國今主君兼此四者可無戒與梁王稱善相屬
屬續也言
稱之不絕

信陵君諫魏王

魏將與秦攻韓無忌謂魏王曰王安釐王秦與戎翟同俗有
虎狼之心貪戾好利而無信不識禮義德行苟有利焉
不顧親戚兄弟若禽獸耳此天下之所同知也非所施

東萊呂祖謙曰
信陵君之言深
切蘇練識天下
之大勢使魏能
用其計料率楚
趙竭力助韓則
韓不失上黨趙
不至敗長平六

厚積德也故太后母也而以憂死穰侯舅也功莫大焉

而竟逐之

秦昭王四十二年宣太后薨穰侯出之陶

兩弟無罪而再奪之國

此其為親戚兄弟若此而又況於仇讐之敵國也今大

王與秦伐韓而益近秦臣甚感之而王弗識也則不明

矣羣臣知之而莫以此諫則不忠矣今夫韓氏以一女

子承一弱主

韓世家不載其事必是時韓王少母后用事也

內有大亂外安能

支彊秦魏之兵王以為不破乎韓亡秦有鄭地

時鄭亡屬韓

與大梁鄰王以為安乎王欲得故地

魏當喪地于韓今欲取之

而今

國不至為秦所吞矣謀既不用又以矯殺晉鄙流落於外六國垂亡魏始再用猶能收合諸侯折強秦之鋒若用之於上黨長平未敗之前天下雌雄之勢未可量也

負彊秦之國也

在背

王以為利乎秦非無事之國也韓

亡之後必且便事

便一作更

便事必就易與利就易與利必

不伐楚與趙矣是何也夫越山踰河絕韓之上黨而攻

彊趙

韓上黨從太行山西北澤潞等州是也

則是復關與之事也

關與趙地趙患

文王二十九年秦圍閼與趙使趙奢將擊秦大破之秦必不為也若道河內倍鄴

朝歌

鄴今彰德府

絕漳滏之水

漳滏二水名

而以與趙兵決勝於

邯鄲之郊是受智伯之禍也秦又不敢伐楚道涉山谷

行三千里而攻危隘之塞

危隘即屯陽州東南

所行者甚遠

而所攻者甚難秦又弗為也若道河外背大梁而右上

蔡召陵以與楚兵決於陳郊秦又不敢也

從河外出函谷關歷同州

南至鄭州東向陳州則背大梁也

故曰秦必不伐楚與趙矣又不攻衛

與齊矣

衛齊皆在趙韓魏之東

韓亡之後兵出之日非魏無攻矣

秦故有懷茅邢丘安城琬津

皆地名

而以之臨河內河內

之共汲

皆衛輝縣

莫不危矣秦有鄭地得垣雍

垣雍故城在原武縣西北

○雍于用反

決滎澤

今開封縣

而水大梁大梁必亡矣

言韓亡後秦有鄭地

得垣雍城從滎澤決溝歷雍灌大梁也後始王滅魏果用此策

王之使者大過矣乃惡

安陵氏于秦

安陵魏之不欲攻韓者與羣臣異政惡之

秦之欲許之久矣

許

也然而秦之葉陽昆陽與舞陽高陵鄰

高陵與上文地不相近史記無

高陵字策或誤也葉陽今南陽葉縣昆陽故城在葉縣南舞陽故城在唐縣東北時葉昆陽屬秦舞陽屬魏

聽使者之惡也隨安陵氏而欲亡之秦繞舞陽之北以

東臨許則南國必危矣

許州屬韓在魏之南故言南國安陵在鄢陵縣西北去許汝不

遠南國雖無危則魏國豈得安哉且夫憎韓不愛安陵

氏可也夫不患秦之不愛南國非也

秦得南國則諸侯之勢危矣魏不可

以為非已地而不恤也

異日者秦乃在河西晉國之去梁也千里

有餘

古都緝安邑縣

有河山以闡之

門遮為闢言以河山為阻蔽也

有周韓而

間之從林鄉軍以至于今

林鄉地名

秦十攻魏五入國中邊

城盡拔文臺墮垂都焚

文臺臺名垂地名有廟曰都並魏臺邑名

林木伐麋

鹿盡而國繼以圍

報王四十年穰侯圍大梁

又長驅梁北東至陶衛

之郊

衛在河淇之間與陶接

北至乎闕

地名

所亡乎秦者山北河外

河內

山華山也華山之北同華銀經皆魏地也河外謂華州以東至陝號河內謂蒲州以東至懷衛

縣數百名都數十秦乃在河西晉國之去大梁也尚千

里而禍若是矣又況於使秦無韓而有鄭地無河山以

荆川唐順之曰
論至此非深識

范睢情狀者不
能詳悉若是其
校量六國危亡
先後形勢不與
豪釐信人傑也

臣士奇曰信陵
君之意蓋亦主
於合縱非直危
言聾聽要亦事
理灼然

欽定四庫全書

卷八

闡之無周韓以間之去大梁百里禍必百此矣異日者

從之不成也楚魏疑而韓不可得而約也今韓受兵三

年矣秦撓之以講

以求地
撓擾之

韓知亡猶弗聽投質於趙

質約

也而請為天下鴈行頓刀

鴈行言
以次進

以臣之愚觀之則楚

趙必與之攻矣此何也則皆知秦欲之無窮也非盡亡

天下之兵而臣海內之民必不休矣是故臣願以從事

乎王王速受楚趙之約而挾韓之質以存韓為務因求

故地于韓韓必効之如此則士民不勞而故地得其功

臣英曰六國之失莫大於與秦而自相攻擊信陵君欲魏存韓以共拒秦謀盡至甯使當時能守其說強秦無并之勢亦少絀矣

多於與秦共伐韓然而無與彊秦鄰之禍夫存韓安魏

而利天下此亦王之大時已通韓之上黨於共甯

共今裨縣

甯今修武縣是時秦初取韓上黨蠶食其地使與韓國中絕故勸魏假道使韓得與上黨往來豈專為韓而已

哉韓不失上黨則三晉之勢猶完也使道已通因而關之出入者賦之

征賦

取是魏重質韓以其上黨也

質猶贄也韓以上黨為質也

共有其賦

韓魏共之足以富國韓必德魏愛魏重魏畏魏韓必不敢反

魏韓是魏之縣也魏得韓以為縣則衛大梁河外必安

矣

魏時已附梁

今不存韓則二周必危安陵必易

易改易也

楚趙

大破魏齊甚畏

皆為秦所勝制

天下之西鄉而馳秦入朝為臣

之日不久

郭隗說燕昭王

燕策

燕昭王收破燕後即位

燕王噲立七年齊伐燕取之又一年燕人共立太子平是為昭

昭王用郭隗之言卑躬致士卒復齊誓可謂賢矣

王卑身厚幣以招賢者欲將報仇故往見郭隗先生曰

齊因孤國之亂而襲破燕孤極知燕小力少不足以報

然得賢士與共國以雪先王之恥孤之願也敢問以國

報仇者奈何郭隗先生對曰帝者與師處王者與友處

臣熙曰自爲奇
甚隗能爲此語

霸者與臣處亡國與役處誡指而事之

言折節

北面而

受學則百已者至先趨而後息

後彼而息

先問而後默

則什已者至人趨

使人趨

則若已者至馮几據杖眄視

指使則廝役之人至若恣睢奮擊

睢仰目恣睢暴戾也

跼籍叱咄

跼籍跳躍也

則徒隸之人至矣此古服道致士之法也

服猶事也

言事有道之人王誠博選國中之賢者而朝其門下天下聞王

朝其賢臣天下之士必趨於燕矣昭王曰寡人將誰朝
而可郭隗先生曰臣聞古之君人有以千金求千里馬

亦奇士也文特峭拔

東里楊士奇曰士可求也不可致也從隗始以致士故趙燕者皆可致之士如樂毅等輩也至於當時命世亞聖之才如軻者亦士也能致之趙燕否耶為隗者勸君求得斯人而委用之則地方百里而可以王矣又美下

者三年不能得涓人言於君曰

涓人謁者也漢有中涓官言居中而涓潔主出

入命者也請求之君遣之三月得千里馬馬已死買其骨五

百金反以報君君大怒曰所求者生馬安事死馬而捐

五百金涓人對曰死馬且買之五百金況生馬乎天下

必以王為能市馬馬今至矣於是不能期年千里馬之

至者三今王誠能致士先從隗始隗且見事况賢于隗

者乎豈遠千里哉于是昭王為隗築宮而師之樂毅自

魏往魏將樂毅鄒衍自齊往劇辛自趙往士爭湊燕燕王

齊七十餘城如
殺之足云

形容秦廢盡得其
情狀文筆亦有循
環刺蜚之致

弔死問生與百姓同其甘苦二十八年國殷富士卒樂
佚輕戰于是遂以樂毅為上將軍與秦楚三晉合謀以
伐齊齊兵敗閔王出走于外燕兵獨追北入至臨淄盡
取齊寶燒其宮室宗廟齊城之不下者惟獨莒即墨

蘇代約燕王

秦召燕王燕王欲往蘇代約燕王曰

約猶止

楚得枳而國

亡

枳屬巴郡國亡謂失地也楚懷王二十六年秦與楚
上庸二十八八年殺楚將唐昧二十九年大破楚軍三

十年取楚八城誘懷王入
秦襄王元年取析十五城

齊得宋而國亡

齊閔王三十
八年伐宋取

定宇節以謂曰
通篇只是明秦

之不可親文特

璩璋奇肆

臣鴻緒曰摹寫

秦之行暴逐段

結案又一并收

束篇法最奇竅

整

之四十年燕師入齊臨淄下七十城

齊楚不得以有枳宋事秦者何也是

則有功者秦之深讐也

言此以見燕之克齊秦之所惡也

秦取天下非

行義也暴也秦之行暴正告天下告楚曰蜀地之甲輕

舟浮于汶

汶江山水出岷山

乘夏水下江

夏水謂夏潦之水盛漲時也

五日而

至郢漢中之甲輕舟出于巴乘夏水下漢四日而至五

渚

五渚漢水下流

寡人積甲宛

今南陽縣

東下隨

今德安府隨州

智者不及

謀勇者不及怒寡人如射隼矣

隼祝鳩今之鵩也射隼喻易也

王乃待

天下攻函谷不亦遠乎楚王為是之故十七年事秦秦

正告韓曰我起乎少曲

韓地在今懷慶孟縣西北

一日而斷太行

太行

山羊腸坂道北通韓上黨也

我起乎宜陽而觸平陽

平陽韓墳墓所在

二日

而莫不盡繇

繇同

我離兩周而觸鄭五日而國舉韓氏

以為然故事秦正告魏曰我舉安邑

今平陽府縣

塞女戟

韓氏大原卷下軹道道南陽封冀兼包兩周乘夏水浮

輕舟彊弩在前鉞戟在後決滎口

滎澤口與今汴河口通其水深可以灌大

梁魏無大梁決白馬之口魏無濟陽決宿胥之口魏無

虛頓丘

河水舊在白馬縣南決通濟陽白馬本衛之曹邑今滑州縣宿胥虛頓丘並魏地頓丘在今大

名清
豐縣

陸攻則擊河內水攻則滅大梁魏以為然故事秦

秦欲攻安邑恐齊據之則以宋委于齊曰宋王無道為
木人以象寡人射其面寡人地絕兵遠不能攻也王苟
能破宋有之寡人如自得之已得安邑塞女戟因以破
宋為齊罪秦欲攻韓恐天下救之則以齊委于天下曰
齊王四與寡人約四欺寡人必率天下以攻寡人者三
必言攻
之決有齊無秦無齊有秦必伐之必亡之已得宜陽

少曲致蘭離石因以破齊為天下罪秦欲攻魏重楚

恐楚
擊其

後則以南陽委於楚曰寡人固與韓且絕矣殘均陵

均州

故城在隨州西南蓋均陵也

塞黽隘苟利於楚寡人如自有之魏棄

與國而合於秦因以塞黽隘為楚罪兵困於林中重燕

趙以膠東委於燕

膠東故齊國即墨也

以濟西委於趙已得講于

魏質公子延

魏公子

因犀首

即公孫衍

攻趙兵傷於離石遇敗

於馬陵而重魏則以葉蔡委於魏

並趙地名

已得講于趙則

劫魏魏不為割困則使太后穰侯為和羸則兼欺舅與

母

羸謂勝舅謂穰侯

適燕者曰以膠東

適謫同即上所謂因以為罪者

適趙者

曰以濟西適魏者曰以葉蔡適楚者曰以塞郢阮適齊

者曰以宋必令其言如循環言其無窮不用兵如刺蜚

蟲名喻易也母不能知知一作制舅不能約龍賈之戰魏襄王五年秦拔我

軍龍賈岸門之戰封陵之戰岸門封陵皆亭名魏襄王十年秦敗我封陵岸門之戰

在韓宣惠王十九年高商之戰史不趙莊之戰趙肅侯十三年趙莊與秦戰死河西

秦之所殺三晉之民數百萬今其生者皆死秦之孤也

死于秦者之孤西河之外上雒之地三川晉國之禍三晉之平

言上三地被禍居晉國之半秦禍如此其大而燕趙之

西河上雒魏地三川韓地

毅報惠王書雖急
於自明其情志悱
惻文辭深婉固書
牘之祖也

秦者皆以爭事秦說其主此臣之所大患燕昭王不行
蘇代復重於燕燕反約諸侯從親如蘇秦時或從或否
而天下由此宗蘇氏之從約代厲皆以壽死代厲皆秦之弟名
顯諸侯

樂毅去燕適趙

昌國君樂毅為燕昭王合五國之兵而攻齊

合趙楚韓魏燕之兵

下七十餘城盡郡縣之以屬燕三城未下

聊莒即墨按戰傳惟莒即墨

墨未下今燕聊者誤也

而燕昭王死惠王即位用齊人反間疑樂

升庵楊慎曰樂毅報燕王書善矣惠王亦自委曲懇至足以飾前非而動衆志

毅而使騎劫代之將樂毅奔趙趙封以為望諸君

封毅以觀

津號望諸君

齊田單詐騎劫卒敗燕軍復收七十餘城以復

齊燕王悔懼趙用樂毅乘燕之敝以伐燕燕王乃使人讓樂毅且謝之曰先王舉國而委將軍將軍為燕破齊報先王之仇天下莫不振動寡人豈敢一日而忘將軍之功哉會先王棄羣臣寡人新即位左右誤寡人寡人之使騎劫代將軍為將軍久暴露於外故召將軍且休計事將軍過聽以與寡人有隙遂捐燕而歸趙將軍自

臣正治曰樂毅
報燕書婉曲沈

為計則可矣而亦何以報先王之所以遇將軍之意乎

望諸君乃使人獻書報燕王曰臣不佞不能奉承先王

之教以順左右之心恐抵斧質之罪以傷先王之明而

又害於足下之義無罪而殺
殺非義也故遁逃奔趙自負以不肖

之罪負言荷
罪在身故不敢為辭說今王使使者數之罪臣恐

侍御者之不察先王之所以畜幸臣之理畜養也幸
親愛之而

又不白于臣之所以事先王之心故敢以書對臣聞賢

聖之君不以祿私其親功多者授之不以官隨其愛能

痛刺生所以讀之而流涕也乎

臣笑曰觀之去燕非臣子之正誼戰國遊士之習則然特其文可為十載之勞臣訟冤故用賢不可有或間之者也樂毅間而燕弱李牧間而趙亡

當者處之故察能而授官者成功之君也論行而結交

者立名之士也臣以所學者觀之先王之舉錯有高世

之心故假節於魏王而以身得察於燕

假節假魏之符節使燕按毅為

魏昭王使燕王以客禮待之毅辭讓遂委質為臣

先王過舉擢之乎賓客之中

而立之乎羣臣之上不謀於父兄而使臣為亞卿臣自

以為奉令承教可以幸無罪矣故受命而不辭先王命

之曰我有積怨深怒於齊不量輕弱而欲以齊為事臣

對曰夫齊霸國之餘教而馭勝之遺事也閑于兵甲習

定宇鄧以諧曰
悲切之中却作

於戰攻王若欲攻之則必舉天下而圖之舉天下而圖

之莫徑於結趙矣且又淮北宋地楚魏之所同願也楚欲

得淮北魏欲得宋

趙若許約楚趙宋盡力四國攻之齊可大破

也先王曰善臣乃口受令具符節南使臣於趙顧反命

起兵隨而攻齊以天之道先王之靈河北之地隨先王

舉而有之于濟上濟上之軍奉令擊齊大勝之輕卒銳

兵長驅至國齊王逃遁走莒僅以身免珠玉財寶車甲

珍器盡收入燕大呂陳于元英

大呂齊鍾名元英燕宮殿名

故鼎反

欽定四庫全書

卷八

麗語點綴此戰
國西京所以奇

偉若後人為之

不直迫則淡弱

其情亦遂漸然

無餘矣

乎磨室

故魯齊所得燕磨當作歷周禮逆師北磨音歷同凡磨以占休咎故歸之律歷之室

齊

罷設於寧臺

燕臺

薊丘之植植于汶篁

薊燕地古燕之薊丘所植植齊王汶

上之

竹自五霸以來功未有及先王者也先王以為慊于

其志以臣為不頓命

頓隆也

故裂地而封之

謂封昌國君也

使之

得比乎小國諸侯臣不佞自以為奉令承教可以幸無

罪矣故受命而不辭臣聞賢明之君功立而不廢故著

於春秋蚤知之士

蚤知先見也

名成而不毀故稱於後世若

先王之報怨雪恥夷萬乘之彊國

夷平也

收八百歲之蓄

臣杜納曰歷叙
東曲備極紆衍
榮理惟於大義
未安遂不禁觀
總其詞耳

積

齊自大公開國以來通八百歲

及至棄羣臣之日餘令詔後嗣之遺

義執政任事之臣所以能循法令順庶孽者

新立之君皆患庶孽

之亂昭王預順之

施及萌隸

萌隸同

皆可以教於後世臣聞善作

者不必善成善始者不必善終昔者伍子胥說聽乎闔

閭故吳王遠迹至於郢夫差弗是也

不然子胥之說

賜之鳴夷

而浮之江

鳴夷槓名馬羊為其形以鉉骸骨

故吳王夫差不悟先論之

可以立功故沈子胥而弗悔子胥不蚤見主之不同量

故入江而不改

言子胥投江不化猶為波濤之神也

夫免身全功以明先

遵岩王慎中曰
悽惋感惻所謂

長歌之悲勝於

痛哭

臣叔元曰毅之

去燕智也不為

趙畫策仁也一

試於燕終身退

藏其神龍之見

首不見尾乎隆

中之士用以自

比宜哉

王之迹者臣之上計也離毀辱之非離麗也墮先王之

名者臣之所大恐也臨不測之罪以幸為利者即所謂乘燕之

敵義之所不敢出也臣聞古之君子交絕不出惡聲說

已長而忠臣之去也不潔其名不毀其君而自潔臣雖不佞數

奉教於君子矣恐侍御者之親左右之說而不察疏遠

之行也故敢以書報唯君之留意焉按史記燕王復以樂毅子樂間為昌


○國君而樂毅往來復通燕趙以為客卿樂毅卒于趙

○按劉氏之序國策也推本其獎謂孟子孫卿儒術之

士棄捐於世然後游說權謀之徒見貴于俗而縱橫短

長之說用矣南豐曾氏謂其論詐之便而諱其敗言戰

之善而蔽其患卒至蘇秦商鞅李斯之徒以亡其身而六國與秦用之亦滅其國則夫邪說之害正如此宜放而絕之明矣然觀其所載如樂毅之答燕惠王忠義拂鬱信陵之揀安釐謀慮深遠魯仲連之不帝秦辭趙賞辭旨慷慨及其他名言格論亦間見于書其有益于治國理人者固不得泯也故哀而錄之共如干篇



御選古文淵鑒卷八